

35-3-A-19 3 78
=

D. HAYMO- NIS EPISCOPI HAL- BERSTATTENSIS DE CHRI

stianarum rerum memoria li-
bri decem.



COLONIAE,
Iohannes Praël excudebat.
Anno M. D. XXXL

JOHANNES HAYMONIS EPI-
SCOPI HALBERSTATTENSIS

in libros de Christianarū
rerum memoria,

P R A E F A T I O.



Quantum eruditionis, quantum
diuinarum & humanarum rerū
notitię pie legentibus ecclesiasti-
ca cōferat, hystoria, nostrę fuit
experientię cognoscere, qui sæ-
pe eam ac studiose legēdo, no-
bis ipsi fecimus fidem. Vt enim
eā breuiter cōmendemus, rerū ab initio gestarū edo-
cet veritatē, pios primitiuę ecclesię actus edisserit,
viroꝝ fortium gesta describit, martyꝝ sudat agones, cō-
fessorū merita attollit, doctorū, qui & patres vocant,
dicta & scripta cōmemorat. Sed qm̄ propter multi-
plicitatem & immensitatem voluminis, fatigat intel-
lectum, onerat audientiam, memoriam inuoluit, co-
gitauimus efficere, si dominus voluerit, vt liber ille
immensus ad libellum redigatur. Manuale hoc igitur
fieri voluimus, hac vtilitate considerata, vt cum
Eusebium legeris, facundum quidem eloquio, fœcū-
dum eruditione, sed propter Gręcę linguę copiosi-
tatem, de qua translatus est, sermone multiplicē atq;
prolixum, ideoq; à memoria facile recedentem, hunc
te libeat videre nostrumq; de eo excerptum inspicere

P R A E F A T I O.

ad integritatem memorizæ reformandam. Ignosce
beate Eusebi, ignosce, neq; enim hoc ad tuam moli-
or suggillationem. Parce quæso, & attende, illum em̃
sermonem replico, amice, non facio tibi iniuriam. Si-
cut ante nos ecclesiastici viri fecerunt de libris erudi-
toræ flosculos colligēdo obscura dilucidauerūt, plixa
breuiauerunt. Itaq; diuino operi tuo meum non cō-
fero, sed te ipsum refero, te inspiciens, te adorans quē
pene penitus euestigio sequor, sed via breuiore. Sit

igitur liber ille tuus exemplar, hic exemplum:

fit ille forma expressior, hic repræsentatio

& imago, fit: ille rerum noti-

tia, iste memoria. Nam

quod ille ducit ad no-

titiā, iste reducit

ad memo-

riam.

A H

YOD HAYMONIS

EPISCOPI HALBERSTAT.

liber primus de tempore natiui
tatis Christi secundum
carnem.

Caput .I.



ESVS CHRISTVS dominus
ac saluator noster sexta mundi
ætate, in Bethleem Iudæ oppi-
do nascitur, imperāte apud Ro-
manos Augusto Cæsare, apud
Iudæos verò regnante Herode
alienigena, & externi generis vi-
ro. Hic autem Herodes sub quo natus est dominus,
ad differentiā minoris, sub quo passus est, maior He-
rodes fuisse intelligitur. Secundum Iosephum ex par-
te patris Idumæus, secundum Africanum vero filius
cuiusdam Antipatri, quondā ab Idumæis latronibus
capti, & eorum latronum vita & moribus instituti.
De quo natus hic Herodes, Iudæorum regnum sic
obtinuit.

QUALITER AD REGNVM

venerit. Cap. .II.

CVM oppugnasset Pompeius Hierosolyma, ac-
cepisset & Aristobulum regem, & pontificem
Iudæorum, cum liberis vinctum Romam mi-

fisset, Hircano fratre eius pontifice constituto, in quē ultimus Iudæorum pontificatus deuenit, mox eodē Hircano à Parthis capto, per senatusconsultum præfatus Herodes Iudææ regnum, Augusto imperante adeptus est, fauētibus forsitā aliquibus Iudæis. Nam pater huius Herodis præfato Hircano pontifici valde familiaris extiterat.

DE FACINOROSIS ACTI-

bus Herodis Cap. .III.

ITaq; regnum adeptus Herodes, delere volens Iudæorum generositatem, spreta nobili & legitima generis successione, ignobilibus quibusq; sacerdotia promittens, omnem ordinem confudit, & ad culmulum suæ nequitiaæ sacram vestem, qua summus pontifex utebatur, sub signaculo clausam abscondit, nec vnquam pontificibus in vita sua vti permisit. Hoc idem Archelaus filius eius fecit. Hunc & Romani post ipsos morem pontificalis iniuriæ tenuere.

DE CRVDELITATE HERO-

dis in infantes. Cap. .IIII.

CHristo igitur nato, & secundum Matthæi euangelistæ testimonium aduentantibus tribus magis ad eum stella duce, conturbatur, incredibiliter veritus status sui & regni periculum, inuestigato à Magis & manifestato ex Micheæ oraculis loco natiuitatis eius, interim iubet omnes pueros à bimatu, & infra secundum tempus à Magis exquisitū, vt cum illis dominum posset extinguere. Sed præmonitus ab angelo Ioseph, puerum transfert in Aegyptum.

HAYMO DE CHRISTIA.
QVOMODO GENEALOGI-
am Iudæorum deleuit.

Caput .V.

Peridem vero tempus summā Herodes tenens, potestatem, cum ignobilis esset, inuidens generositati Iudæorum, libros generationis eorū q̄ descripti habebantur in arciuis tēpli secretioribus, cū quibusdā genealogijs alienigenarū, vt Achior ex Ammanitis, & Ruth ex Moabitibus incēdi iubet. Quos aliqui studiosi viri diuino munere recolligentes, partim quā iam habebāt domi descriptos, partim quia p̄sapientie sue ordinē memoriter tenebāt, ad nos vsq̄ perduxerunt, inter quos fuerūt quidam heriles, vel dominici apostolati, propter propinquitatem generis Christi, qui & generationē eius docuerunt, secundum quod euangeliorum veritas habet.

DE VINDICTA DEI IN EO.

Caput VI.

Igitur pro sacrilegio q̄d in saluatōrē, eiusq̄ cognos cōmiserat, Herodē vltio diuina mox purget. Iosephus in xviij. antiquitatū lib. Incipit torq̄ri mirabili & miserabili dolore, interius & exterius adurit̄ incēdio, nimietate gulę & auiditate cibi distendit̄, putbetenus inflatus, circa verēda scateret vermibus. Idem in ij. lib. Visum est autem medicis vt oleo calido fomentaretur, cumq̄ in ipso fomento depositus esset, ita resolutus est omnibus membris, vt oculi etiā ipsi cū suis sedibus soluerentur.

DE FAMOSA NEQVITIA.

quā in morte sua ppetrauit. Cap. VII.

EX hinc fertur iam desperās in facinus execrabile. nam accersitos ad se ex omī ludāra nobiles, & in loco q̄ dicit̄ Hippodrom⁹, reclusos, in hora mortis suę interfici iubet, in hoc ipsum militibus p̄ paratis & p̄tio cōductis, vt sic saltē lugubres haberet exequias Sciebat em̄ Iudęos de sua morte gauisuros.

QVOD TRES FILIOS SVOS

occidit. Caput VIII.

QVi paulo antequā moreretur, post duos iam necatos filios, tertiu filiu iugulari p̄cepit, impius parricida cum iam exitu ira adesse sensisset, malo accepto cultrū poposcit. lebat em̄ sic p̄ semetipsum purgatum pomum atq; m̄ edere. Tunc circumspectans, ne quis esset, q̄ prohiberet eleuauit dexteram & in semetipsum rauit ictū. Hic, autē Herodis extitit finis.

DE ARCHELAO.

Caput IX.

Post hunc regnauit Archelaus patre suo Herode, & Cæsare Augusto adiudicantibus, cui post decem annos propter insolentiam deuolutos, regnum diuiditur in Tetrarchias Herodi iuniori fratri cum Philippo, & cum Lisania.

DE HERODE FILIO HERODIS.

Cap. X.

Hic autē Herodes minor, breui interiecto tēpore Iohānē baptistā capite punit, virū valde bonū, q̄ precipiebat Iudęis virtuti operā dare, iustitiam inter se custodire, & in deū seruare pietatē, per baptismā in vnum cōuenire, tam ad ablūdā peccata

HAYMO DE CHRISTIA.

quàm ad castimoniã corporis & animæ seruandam.
CVR IOHANNEM PVNIE-
 rit. Cap. XI.

HVnc inquam capite punit, pro eo q̃ obiurga-
 batur ab eo de Herodiade quam abstulerat
 fratri suo Philippo, legitima vxore depulsa, &
 quia verebatur propter doctrinam eius, plurimos à
 suo regno discedere. Sola hac igitur suspitione Hero-
 dis & obiurgatiõe vinctus in castellum Macheronta
 Ioannes adductus, ibiq; capite obruncatur.

DE VINO IESV SALVA
 e nostro. Cap. XII.

PER hunc tempus euangelicam late seminat præ-
 dica. Dominus Iesus, & duodecim ex omni-
 bus elegit quos præferens sectatoribus suis spe-
 cialiter apostolos nominat. Post hos lxxij. elegit disci-
 pulos. Omne aut tēpus prædicationis suæ peregit intra
 quadriennij temporis spacium, sub Annæ & Caipha
 pontificibus, ita vt Annæ pontificatus tempore inci-
 piente, prædicare inceperit, & vsq; ad initium Caiphæ
 protenderit Iosephus. Nam ab Annæ vsq; ad Caiphā
 quatuor pontifices per ordinem fuerunt. Post Annā
 sedit Ismaël, post Ismaëlem Eleazar, post Eleazar Sy-
 mon, post Symonem Iosephus, cui & Caiphas nomē
 fuit. Testatur autem Hebræorū scriptor de domino
 Iesu Christo quis fuerit, de quo his verbis scripsit ita.

TESTIMONIVM IOSEPHI

de Christo.

Caput XIII.

FVit autem iisdem temporibus Iesus vir sapiens, si tamen eum virum nominare fas est. Erat enim mirabilium operum effector, doctorque hominū eorum qui libenter quæ vera sunt, audiunt. Et multos etiam ex gentibus sibi adiunxit. Christus hic erat. Hunc accusatione primorum gentis nostrę virorum cum Pilatus agendum in crucem decreuisset, non deseruerunt qui ab initio eum dilexerant. Apparuit enim tertia die viuus secundum qđ diuinitus inspirati Prophetæ, vel hæc vel alia inuicem miracula esse prædixerant. sed & in hodiernum diem Christianorum nomen perseuerat & genus.

DE DISCIPVLIS.

Caput XIII.

Apostolorum nomina ex euangelijis manifesta sunt. lxx. vero nusquam scripta esse reperimus. Dicitur tamen ex ipsis vnus fuisse Barnabas. Clemēs vero in quarto Dispositionum libro Cephæ mentionem facit, de quo Paulus dicit: Cum autem venisset Cephas Antiochiam, ei restiti in faciē. Et dicit vnum esse ex lxx. cognomine Petri apostoli. Sed & Matthiam vnum ex his fuisse dicit, & qui cū ipso statutus est ad sortem: de his etiam fuisse Tattheum. sed alios fuisse quā plures discipulos inuenies, si obserues ea quæ Paulus indicat, dicens: Post resurrectionem quidem dominum apparuisse Cephæ, postea alijs vndecim, & post hos amplius quā quingentis fratribus simul.

HAYMO DE CHRISTIA.

H A Y M O.

Cum his itaq; conuersatur dominus per omne
tempus assumptæ mortalitatis, & instituit in fi-
de, & instruit scientia, donec peracto susceptæ
dispensationis officio, patitur & resurgit, & ascendit
in cælum secundum euangeliorum fidem.

AD HAYMONIS EPISCOPI HALBERSTAT.

liber II. de electione Matthæi
apostoli, & ordinatione
septem diacono-
rum.

Caput .I.



Estat ut de his que post ascensionē
domini proxime cōsecutā sunt, di-
camus. Mittūt apostoli sortem, &
pro Iuda traditore eligūt Matthi-
am. Ordināt etiam septem diacono-
nos, ministerij viduarū gratia, e q-

bus vnus statim post ordinationē suam lapidatur.
Propter quod & nomine suo coronatur à domino.
ῥῖφ αἰὼς enim interpretatur corona.

DE IACOBO PRIMO HIE- rosolymitano episcopo.

Caput .II.

Tunc deinde Iacobus frater domini primus Hie-
rosolymitanæ ecclesiæ suscepit sedē, cum esset
virtutum merito, & vitæ insignis priuilegio.

CLEMENS IN LIBRO DIS-
positionum.

NAm licet Petrus, & Iacobus, & Iohannes omni-
bus pene post ascensionē domini fuerint pre-
lati, tamen non sibi vendicant gloriā, sed Ia-
cobū qui dicebatur Iustus, episcopum statuunt. Huic
quippe Iacobo & Petro & Iohanni dñs post resurre-
ctionem oēm scientiam tradidit, & ipsi ceteris apo-
stolis, qui apostoli ipsis lxxij. tradiderunt. Duos autē
Iacobos fuisse constat, vnum fratrem Iohannis, alte-
rum hūc Iustum fratrem domini, qui frater domini
dictus est, pro eo quod esset filius Ioseph, qui Christi
quasi pater habebatur.

HAYMO DE EADEM MA-

teria secundum quod reperit in

sententijs patrum.

Caput .III.

SCiunt etiam qui diligenter explorauerunt, quia
frater domini sit dictus, tanquam cognatus sit.

Hic enim mos Hebræorum, cognatos vel ppin-
quos fratres dicere vel appellare. frater igitur domni
sic dictus est, quia de Maria sorore matris dñi, & patre
Alpheo genitus est. Vñ Iacobus Alphei appellat. Sed
quoniam nunc se ingessit occasio, de duobus Iacobis
omnem q̃stionem rescindamus, & altius generis eo-
rum repetamus originē. Maria mater dñi, & Maria
mater Iacobi, fratris domini, & Maria Iacobi fratris
Iohannis euangelistæ sorores fuerunt de diuersis pa-
tribus genitæ, sed de eadem matre, scilicet Anna.

Quæ Anna primo nupsit Ioachim, & de eo genuit

HAYMO DE CHRISTIA.

Mariam matrem domini. Mortuo Ioachim, nupsit Cleopha, & de eo habuit alterā Mariam quæ dicitur in Euangelijis Maria Cleopha. Porro Cleophas habebat fratrem Ioseph, cui filiastram suam beatam Mariam desponsauit. Suam vero filiam dedit Alpheo, de qua natus est Iacobus minor, qui & Iustus dicitur frater domini & Ioseph alius. Mortuo itaq; Cleopha, Anna tertio marito nupsit, scilicet Salome, & habuit de eo tertiam Mariam, de qua desponsata Zebedæo nati sunt Iacobus maior, & Ioannes euangelista. Sed iam ad historicæ narrationis ordinem reuertamur.

De TATTHEO MISSE AD

Ediffam. Cap. IIII.

SVb hoc itaq; tempore Tattheus à domino mittitur ad Abgarum regem Edissenorum, qui eum ab egritudine curat, ciuitatē absoluit ab errore.

HAYMO.

HVius rei prolixiorē in aliquo scripto repperi historiam, sed nescio, si apocrypha est, deus scit. Quæ quia de fidei pietate descendit, necessarium duxi eam huic operi inserere. Dicitur enim, quia de saluatore nostro adhuc iu carne degente, cū de miraculis eius felix ubiq; fama loqueretur, misit ad eum Abgarus rex Edissenorum epistolam, in qua magnis precibus rogabat eum, vt veniret ad se & curaret eū à lepra. Dicit etiā quod ex multis annis cupiebat eum videre, & ideo monet vt veniat ad se, & se expediat de odio Iudæorum & habitet secum, quia habet ciuitatem quæ sufficere potest vtriusq;. Dominus autem rescribit ad eum propria manu epistolam, in

qua primum beatum illum asserit, pro eo quod credit in eum, quem non videt. Secundo dicit, per semetipsum non modo posse venire, quia in loco Hierosolymorum præceptum patris & obedientiam impleturus. Tertio, promittit ei salutem in hæc verba: Cum assumptus fuero, mittam tibi vnum ex discipulis meis qui te curabit ab infirmitate tua.

DE FACIE DOMINI LINEO

panno impressa. Cap. V.

Dicitur enim, quod pro desiderio præfati regis implendo aliquatenus dominus faciem suam lineo panno impressit, & misit ad eum, ut qui in propria forma videri non poterat, saltem per impressam imaginem videretur. Tunc ergo Tattheus ille discipulus qui missus est ad Edissam, prædictam ibi dominicam deportare meruit imaginem, quæ per longa ibi tempora perdurauit, donec Constantinopolim cum cæteris reliquijs est asportata.

SEQUITVR DISPERSIO DIS-

cipulorum domini. Cap. VI.

Lapidato itaque Stephano protomartyre, discipuli omnes exceptis duodecim, disperguntur per vniuersam Iudeam & Samariam, & aliqui eorum usque ad Phœnicem, & Cyprum, & Antiochiam deueniunt. Ibi paucis prædicant Iudeis, non audentes se credere Iudeis vel gentibus, Saulo tunc temporis valente ecclesiam.

ACTVS PHILIPPI DIACONI.

Caput. VII.

HAYMO DE CHRISTIA.

Philippus vnus ex septem diaconibus descendit Samariam, & habuit gratiam prædicandi, ita q̃ Simonem magum apud Samaritanos tam celebrem sua prædicatione consternit. Qui etiam ab eo suscepit baptismum, sed in dolo. Sed & Præpositum Candaces cuiusdam reginæ Aethiopiæ conuertit & baptizat.

VOCATIO PAULI APO- stoli Cap. VIII.

PER idem tempus Paulus in apostolum vocatur, cælesti ad se voce delata.

SVGGESTIO PILATI AD Tiberium. Cap. IX.

INterea cum de domino Iesu Christo circumquaq̃ fieret rumor, Pilatus de mirabilib⁹ eius & resurrectione, Tiberio principi refert, & q̃d beatus à plurimis crederetur. Mos quippe erat apud Romanos, vt si quid noui prouincijs accidisset, imperatori vel senatui nuntiaretur.

QVOMODO TIBERIUS. de Ch̃ro edoctus cōplacatur.

Tiberius ergo monitus à Pilato, quæ compererat, refert ad senatum.

TERTVLLIANVS.

Datum enim erat decretum, ne quis deus ab imperatore consecraretur, nisi à senatu probaret. Senatus autē spreuisse dicit, quia sibi prius non fuerat delatum, sed auctoritatem suam ṽlgi præuenerat opinio. Tiberius autem manet in sententia

comminatus periculum accusatoribus Christianorū. Quo per diuinam prouidentiam aduersus nostros clementer agente, mox breui tempore in omnem terram prædicatio diffunditur, conuertuntur innumerae multitudines, & per doctrinam Christi & virtutum miracula ad ecclesias congregantur. Cornelius in Cæsarea primus Petro ministrante conuertitur, in Antiochia quæ plurimi de gentibus credunt. Vbi florentissima congregatur ecclesia per discipulos sub Stephano in prima persecutiōe dispersos. In qua etiam erant prophæti ordinis viri, cum quibus Paulus & Barnabas.

QVOMODO IN ANTIOCHIA

primo Christianum nomen ex

impositione ordinatum est.

tum est.

Caput XI.

Ibi primum discipuli imposito in fonte baptismatis vocabulo, Christiani nuncupantur. ibi & Agabus ex prophetis vnus eorū qui aderant, de fame futura sub Claudio prophetauit. Tiberius viginti & duobus annis sedet.

QVOMODO IVDÆIS MVLT

ta mala acciderunt.

Caput XII.

Interea Tiberius post viginti & duos annos principatus sui moritur. Caius succedit imperio, tradēs Agrippæ regnum Iudæorum, simul Philippo & Lisanig & Herodi Tetrarchias, præfato Herodi perpetua deportationis pœna imposita,

Circa hoc tempus Iudeis multa accidunt mala, ppter piaculum quod in saluatorem commiserunt, Caio persequente. Ad quem Philo tunc insignissimus scriptor apud Hebræos pro contribulibus suis Iudeis legationem suscipit. Exortam apud Alexandriam seditionem inter Græcos & Iudeos ipse Philo contra Appionem, qui erat ex parte Græcorū, potentissime purgat Iudæorū obiecta, sed spernitur a Caio cum odisset Iudæos Caius, pro eo quod ei neq; aras, neq; templa, neq; imagines faciebant. Erat enim tantę vesanię & præsumptionis, vt deum se voluerit appellari. Qui etiam templum sanctę ciuitatis replēs imaginibus & statuis, quod solum intactum à pphane religionis contagione fuerat, commutare in templum proprii nominis ausus est, vt proh pudor templum domini, ædes nobilissime Iouis & noui dei Caii vocaretur. Quæ omnia in suis libris Philo plenius describit, & alias innumeras clades vltra omnes tragicos luctus Iudeis irrogatas esse dicit apud Alexādiā.

ACTVM TEMPORE TIBERII.

Caput XIII.

AT Iosephus mala enumerat, quę apud Hierosolymam eis acciderunt. & quomodo Pilatus in Hierosolymam intulit imagines Cęsaris.

QVOD PILATVS SE IN MOR-

tem damnauit. Cap. XIII.

Per idem tempus cum sic vltio diuina perurget Iudæos, Pilatum quoq; qui in morte Christi iniq; iudicis officio functus est, non finit esse impuni-

tum. Hic ergo à Caio multis malorum cladibus ex-
cruciatus, tandem propria manu se transuerberans,
damnat in mortem.

EX HISTORIIS GRAECO

rum de fame dira pphetata. Cap. XV.

INterea Caius finem viuendi facit post quatuor an-
nos, nec integros. Claudius succedit, sub quo dira
fames fit quam pphetauit Agabus. Tunc fratres
Antiochiæ p viribus suis sanctis habitantibus in Hie-
rusalem necessaria transmittunt per Paulum & Bar-
nabam in ministerium sanctorum destinatos.

DE HERODE MINORE, QVI

filius Aristobuli filij magni He-
rodis fuit. Cap. XVI.

SVb hoc tempore Agrippa cognomento Hero-
dis, totius Iudææ regnum obtinet. Hunc Lucas
in Actibus apostolorum Herodem nominat, Io-
sephus Agrippam. Hic inquam de crudelitate patrui
plurimum retinēs, persequitur apostolos, Petrum in-
carcerat, & occidit Iacobū fratrem Iohannis gladio.

CLEMENS ALEXANDRI-

nus de morte Iacobi fratris Iohānis.

Caput. XVII.

DE cuius passione, vt aliquid reuoluamus, dici-
tur, quod cum à quodam apparitorē oblatus
esset Herodi ad martyrium, etiam ipse, qui ob-
tulerat pœnitentia ductus, morusest, & confessus est
se esse Christianum. Tunc ambo pariter ducti sunt ad
supplicium. Et cum ducerentur, rogauit Iacobum in
via dari sibi remissionem. At ille parumper deliberās,

HAYMO DE CHRISTIA.

pax tibi, inquit, & osculatus est eum, & ita ambo capite plexi sunt. Sed adest continuo vindex dei dextra in præfatum Herodem.

DE VINDICTA DEI IN HERODEM, Iosephus. Cap. XVIII.

NAm cum postmodum apud Cæsaream in honorem Cæsaris spectacula faceret, arrogantissime indutus veste mirabiliter auro & argento contexta, à populis stupentibus ex metalli radiantis fulgore, deus subito appellatur, atq; vt fiat propiti-
us exoratur. Sed quia appellationem & fastum non repressit, mox percussus ab angelo, & incredibili dolore ventris & inflatiōe correptus, respiciens ad amicos: En ego, inquit, deus vester, ecce percellor confestim, & detrahor è vita.

LVCAS IN ACTIBVS APOSTOLORUM. Cap. XIX.

DEinde scātēs vermibus, expirauit, agens septimū regni sui annum, quatuor sub Caligula, tres reliquos sub Claudio.

DE SIMONE MAGO.

Caput XX.

SVb hoc tempore quidam Simon Samaritanus, caput totius prauitatis, & principium totius heresis, sub Claudio Cæsare magicis arub⁹, & opedæmonum subleuatus, in vrbe Roma deus decernitur, & simulacri potitur honore, collocati inter duos pontes fluminis Tiberis, habēs etiam titulum Latinis verbis, Simoni deo sancto. Sed non diu permanet, fraude diuinitus detecta.

ADVENTVS PETRI IN VR-
bem Romam. Cap. XXI.

COntinuo nanq; in ipsis Claudij temporibus, p-
diuinam prouidentiam Petrus apostolus fun-
data prius Antiochię ecclesia, ad urbem Romā
cum honore deducitur, afferens secum de oriētis par-
tibus, vt caelestis quidam negotiator diuini luminis
mercimonia, si quis sit cōparare paratus. Cuius ma-
gnifica autoritate statim clarum vrbi dei lumen ori-
tur, & Simonis fraus cum suo autore extinguitur.

HAYMO: Tantam igitur prædicādi habet grati-
am, vt vniuersorum mentes placido illustrans sermo
ne traxerit; Christi nomen in capite regnorum cele-
bre fecerit in breui, & hoc quidem pulchre diuina dis-
positione actum est, vt ibi tāto gloriosius titulus sal-
uatoris erigeretur, quanto cōtumeliosius in initio fi-
dei spretus, ibidem à Romanis fuerat ipse saluator.

COMMENDATIO PHILO-

nis & conuersio.

Caput XXII.

EO tempore Philo. Hebræorū scriptor, de quo
supra memorauimus, subtilissimus, in sensib⁹,
profundus, & affluentissimus eloquentia, co-
piose inueniens, & copiosius eloquens, Petro aposto-
lo prædicanti adhæret. Qui deniq; nobis in multis li-
bris ingenij monimenta reliquit.

DE EVANGELIO SECVN-
dum Marcum.

Caput. XXIII.

B ij

TVnc Marcus scribit euangelium hac occasiones
 Cum sola Petri auditio nō sufficeret magna eū
 audientibus auditate, magnis precibus rogant
 Marcum discipulum eius, vt prædicationem scripto
 cōmendaret memoriæ. Clemens in vi. dispositionū
 libro: Petrus vero vt religioso se spoliatum compe-
 rit furto, delectatus est, factumq; confirmavit in per-
 petuo, legendum ecclesijs tradit. Postmodum vero
 Marcus hoc idem euangelium apud Aegyptum mis-
 sus à Petro prædicat, & primus apud Alexandriam
 leuatur in episcopum, vbi multos lucratur populos,
 magnæ sobrietatis & continentiae exemplo. Interea
 Paulo apostolo ab Hierusalem in circuitu, & vsq; ad
 Illyricum prædicāte, Claudius imperator Iudæos tu-
 multuantes vrbe depellit. Tunc Aquila & Priscilla cū
 cæteris expulsis, veniūt in Asiam, ibiq; coharēt Apo-
 stolo, ecclesiæ fundamenta iacenti.

IOSEPHVS, QVAE IVDÆ-

is acciderunt mala. Cap. XXIIII.

TVnc vero Agrippa apud Hierosolymā regnā-
 te, procuratore vero prouinciæ Felice, Claudio
 adhuc in imperio perdurante, tanta Iudæis acci-
 dūt mala, vt ipso die Paschæ seditiōe exorta, de his so-
 lis qui in foribus ecclesiæ constipatione populi mor-
 tui sunt, triginta milia computentur, vbi & Ionathas
 pontifex interficitur. Ea tempestate Aegyptius qui-
 dam magus & arte magica simulās se esse prophetā,
 ex omni parte congregans Iudæos, promittens eis li-
 bertatem antiquam & liberationem ciuitatis suę, eo-
 rum auxilio frētus per desertum venit vsq; ad montē

Oliueti, sed conatus eius preuenit Felix, & congressio
ne facta cum armis, Aegyptium quidem fugat, alios
vero vel perimit vel capit, vsq; ad triginta octo milia
viroꝝ.

MORS CLAVDII IMPERA-
toris. Cap. XXV.

INterea Claudio tredecim annis & octo mensibus
functo imperio, Nero suscipit principatũ. Hic
Festum mittit in Iudaam, vt succedat Felici, apud
quem Paulus causa dicta vinctus Romam mittitur,
Aristarcho comitante, & biennium in libera manet
custodia. Post hoc ad prædicandum dimittitur, non-
dum Nerone in tanta erumpente scelera, quantã de
eo narrant historiae; sed adhuc dispensatione diuinã,
clementius agente, vt interim compleretur prædica-
tio Pauli, & scriberentur eius epistolæ, vel ad perso-
nas, vel ad capita prouinciarum, vel ad fidei solidita-
tem, vel ad decorem euāgelij, deniq; ad totius eccle-
siæ utilitatem.

DE MARTYRIO IACOBI,
fratris domini. Cap. XXVI.

IGitur post Paulum Romam transmissum viden-
tes Iudei frustratas esse insidias, quas ei intenderāt,
ad Iacobum fratrem domini & Hierosolymorũ
episcopum conuertuntur ad vindicandum. Tunc ex-
petunt ab eo abnegationem Christi. At ille libera
voce coram omni populo Christum esse filium Dei
confitetur. Tunc de pinna templi deiectus ab impijs
Iudæis, orans super genua sua, etiam pro lapidantib⁹,
tandem fullonis veſte percussus, occubuit xxx. epi-

HAYMO DE CHRISTIA.

scopatus sui anno. Clemens: Fuit autē ex vtero matris suae sanctus, vinū & siceram non bibit, animal nō manducauit, ferrū caput eius non ascendit, oleo non est perūctus, balneo non est vsus, nec laneo indumento indutus, sed tantum sindone. Huic soli licebat introire in sancta sanctorū, vbi genua flectēdo, incessanter orabat, adeo vt ad modū cameli callos faceret in genibus. Qui pro incredibili cōtinentia vitæ & iustitia summa appellatus est Oblas, id est, munimētum populi & iustitia. Nec multo pōst oppugnatio cōsecuta est Vespasiani, ita vt & Iudæorū prudentes hanc esse causam crederent statim cōsecutæ oppugnationis Hierosolymorum, quod in Iacobum iniecerint manus sceleratas, iustissimum & omniū cōfessione piissimū virum, qui erat frater dñi, qui dicitur Christus. Haymo: Ego vero magis opinor hoc eis cōtigisse, quia in dominū Iesum cōmiserunt, vt quia clamauerunt, Sanguis eius super nos & super filios nostros, tam in se, q̄ in suis successoribus cōtinua fere sanguinis effusione punirentur. Interea Festus morit̄ apud Iudæam, cui successit Albinus Cæsare adiudicāte, Albino Florus, cuius avaritiam & luxuriam ceteraque flagitia non ferētes (Nam & honorabiles quosq; flagris verberauerat, & nonnullos in sancta ciuitate patibulo suspenderat) aduersum Romanos rebellant. Cuius rei occasione, ad debellādos Iudæos magister militiæ Vespasianus transmittitur.

DE CRVDELITATE

Neronis.

Caput

XXVII

NEro crudelissimus impator, qui in tm̄ sceleris
pgressus est, quòd & in matrē & in fratres &
vxores & om̄es sanguinis pximos parricida
extitit, & incestus facit, Christianos maxime psequit̄.

PETRVS ET PAVLVS SIMVL

coronantur. Cap. XXVIII.

ET Petrum & Paulum apostolorū duces & si-
gniferos, iudēq; populo dei in ipsa vrbe Roma
alterq; quidē gladio, alterum crucis patibulo cō-
demnat. Et Petrus quidē capite demerso crucifigitur,
q̄d rogauit, ne domino videretur adæquari.

DIONYSIVS Corinthiorū episcopus: Qui non di-
uisi vel diuersis tēporibus, vt quidā volunt, sed simul
in prafata vrbe docentes, vno eodemq; tempore am-
bo pariter martyrio coronantur. In quorum glorio-
sissimo fine, & nos huius secundi voluminis finem fa-
ciamus.

AD HAYMONIS

EPISCOPI HALBERSTAT.

liber III. de diuisione ap̄lorū per
prouincias. Cap. .I.



Tertius hic liber à diuisione apo-
stolorum sumit exordiū. Cum
ergo Iudæi debitis cladibus vr-
gerentur, apostoli domini cum
cæteris discipulis ad prædican-
dum per prouincias dirigun-
tur.

B üñ

HAYMO DE CHRISTIA.

QVIBVS LOCIS DISPERSI

sunt apostoli post diuisionem.

Caput .II.

ORigenes in explanatiōe Genesīs: Thomas sortitur Parthos, Matthæus Aethiopiam, Bartholomæus Indiam citeriorem, Iohannes Asiam, Andreas Scythiam, Petrus Pontum, Galatiam, Bithyniam, Cappadociā. Paulus ab Hierosolymis vsq; ad Illyricum, euangelio Christi cunctos repleuit, alij vero vel per hæc, vel per alia loca, secundum qd spiritus sanctus voluit dimittuntur, sicut propria eorum gesta habent. De quibus fortasse ideo tacuit Origenes, quia vita & actus eorum minus autentici sunt, vel ab hæreticis & impostoribus conscripti. Petrus itaq; predicationis suæ monimenta reliquit, duas scripsit epistolas, similiter & Iacobus frater domini vnā, Iohannes vero tres: Iudas qui & Tatthæus, vnā. Paulus quatuordecim scribit. De illa tñ quæ est ad Hebræos, quandoq; apud Latinos dubitarum est.

DE EPISTOLA PAULI AD

Hebræos. Cap. III.

Clemens Alexandrinus in libro
reformationum.

Licet manifesta sint Pauli apostoli scripta, nonnulli tamen de epistola ad Hebræos dubitant. Sed sciendum, qd à Paulo scripta est in Hebræo sermone tanq̃ Hebræis, à Luca vero eius discipulo interpretata in Græcum. Vnde & stylus eius magis videtur similis libello illi, quem idem Lucas de actibus

apostolorum scribit. Quod autē subscriptionē solitā non habet ibi, hoc rationis est, quod præceptum erat Hebrais, ne de Pauli nomine dicta susciperent, & idcirco prudēter nomen suū omisit, ne statim in principio Pauli nomine inspecto, lectio eius repudiaretur.

DE SANCTO LVCA.

Caput IIII.

LVcas eiusdem Pauli discipulus, Antiochen⁹ genere, arte medicus, duos nobis libros cōscribit, Actus apostolorum, quos ipse oculis inspexit, & euangelium, quod vt dicitur, ex ipsius Pauli ore describit. Quod etiam Paulus suum nominat, cum dicit: Secundum euangelium meum. sed iam ad historiæ ordinem reuertamur.

DE MORTE NERONIS.

Caput V.

Igitur post xij. imperij sui annos Nero moritur, Galba & Otho vsurpant principatum, quibus post annum & tres menses defunctis, Vespasian⁹ tunc apud Iudæam in exercitu existens, reuocatur, & donatur imperio, cōmendata Tito filio suo causa belli, & impugnatione Hierosolymæ, sub quo præfata ciuitas capitur & subuertitur.

IOSEPHVS. SVBVERSIO

Hierusalē à Tito Vespasiano.

Caput VI.

ECclesia vero fidelium, quæ ibidem fuerat congregata, diuino accepto respōso, præuenit subuersionem, & oppidum Pellam nomine trans Iordanē emigrat. Tunc incredibilis fit cædes Iudæo-

rum, & primo quidem diræ & inauditæ famis exitio
plaga intolerabilis diuinitus mittitur, in tantum, vt
bella & cædes inter parentes & liberos committeren-
tur, dum non solum è manibus, sed ex ipsis faucibus
inuicem rapere cibum decertant. Ad vltimum quidẽ
nec loris vel cingulis, aut etiã ipsis calceamētis absti-
nent. Portarum quoq; indumenta detrahentes, cõfi-
cienda dentibus ingerunt, nonnulli & fœni veteris e-
dunt festucas. Porro gerit ibi facinus execrabile, neq;
adhuc apud Græcos, neq; apud Barbaros auditum.

DE MARIA QVAE FILI-

um suum comedit.

Caput

VII.

MVlier quædam Maria nomine, genere & fa-
cultatibus nobilis, quæ ad diem festum cum
ceteris de transiordanis alueo cõfluxerat, cū
famis ingrauescente periculo, & hostis deprædatiõe
omnino iam fame deficeret, pessimis vsa consultori-
bus, paruulum filium, qui ei erat sub vberibus, iugu-
lat, igni suppositū torret. Dimidiū quidem cõsumit,
dimidium vero reseruat. Prædonibus quidem, mox
odore carniū cõperto ingressis, partē offert. Meus
inquiens, hic partus est, nolite effici aut matre religio-
siores, aut fœmina molliores. Edite, nam & prior co-
medi. Illico vniuersa regio tam nefarii sceleris nun-
tio repletur. Nec multo post magnifica & famosissi-
ma ciuitas Hierosolymorū capitur. Cuius quantā fue-
rit vastitas, quāra in ea diuersarum mortium strages,
vix scripto cõprehenditur, vbi vndecies centena mi-
lia fame & ferro peremptorū computantur, exceptis

quibusq; iuuenibus electis, qui propter decorem corporis & proceritatē ad triumphū referuantur, ceterisq; alijs qui ad opera Aegypti, vel ad secanda marmora, vel ad extrahenda metalla destinantur, vel per prouincias vinēti in seruitutē distrahūtur, quorū sit numerus vsq; ad nonaginta milia. Sed ne quis de hac captorū vel occisorū ambigat multitudine, nouerit tūc tēporis ad diem festū Paschæ Hierosolymis cōuenisse ter decies centena milia Iudæorū, ad iustam dei retributionem hoc tempore ultionis electo: vt qui in diebus Paschæ dominum saluatorem morte turpissima damnarunt, ipsi quoq; turpissimis mortibus & cladi bus inauditis eisdem diebus damnarētur. HAYMO: Et qui in eius damnatione dies festos duxerunt solēnes, nunc ipsos suis damnationibus agerent luctuosos. Qui etiam recte fame percūt, vt qui domino esurientis salutem eorum, fel in escam dabant, omnimoda suauitate escarum priuarentur.

DE TEMPORE SVBVERSIO

nis Hierusalem. Cap. VIII.

FIt autē hæc Hierosolymæ subuersio xl. annis a passione dñi dilata ultione, anno imperij Vespasiani secūdo, vt interim potuissent Iudæi, si vellent locū pœnitētię inuenisse, commoniti sæpe ab apostolis, prædictā ciuitatis adesse euersionē, & a Iacobo fratre domini edocti dum viueret, p signa & prodigia cēlitus ostēsa, ante tēpus excidij cōmonebātur. Etenim stella præfulgens, gladio per omnia similis imminere de super ciuitati, & Cometes præterea exitiabilibus flammis per totum ardere visus est annum.

HAYMO DE CHRISTIA,
NOVVM PORTENTVM.

Caput IX.

Vitula quoq; sacrificijs admota in die festo azy-
morum inter manus ministrorum enixa est
agnum. Porta vero interioris ædis ærea, cum
tantipõderis vt vix à xx. viris clauderetur, esset, vesti-
bus & seris munita, nocte vltro patefacta est. Visi etiã
currus & armatorum cohortes in aërem ferri, & alia
multa quę non faciunt ad huius operis compendiũ,
maxime cum res Christianas prosequi debeamus.

Caput X.

Igitur subuersa Hierusalem non multo post mar-
tyrium Iacobi, conueniētib; apostolis in vnum,
& propinquis domini secundum carnem, Simon
filius Ioseph communi consilio in episcopũ surrogat.

EGESIPPVS DE SYMONE

Hierosolymorum episcopo
post Iacobũ.

Cap. XI.

INterea Vespasianus moritur, Titus filius eius suc-
cedit imperio, princeps militaris, pius, sapiens, bel-
licosus, qui in tantum facundus fuit vt causas lati-
ne ageret, poemata & tragœdias græce componeret.
BEDA. Tantum aut bellicosus fuit, vt in expugnati-
one Hierosolymę præcipue inter optimos extiterit p-
liator. Tantum autem imperio bonus ac clemēs fuit,
vt nullum omnino puniret, sed etiam cunctos aduer-
sum se coniurantes dimitteret, & in ea familiaritate
quam prius habuerant retineret. Dicebat enim inde-
corum esse aliquem contristatum recedere à facie im-
peratoris, cuius inter omnia fuit illud celebre dictum,

RERVM MEMO. LIB. III.

diem se perdidisse, qua nihil boni fecerit. Ita omnium virtutum genere mirabilis fuit, adeo vt amor & deliciae humani generis diceretur. hic non nocuit Christianis. Per idem temp⁹ Linus obiit Romanus pontifex, transactis in sacerdotio xij. annis. Cletus succedit.

TITVS REGNAVIT DVO

bus annis & totidem mensibus.

Caput XII.

Titus moritur post duos annos imperij sui & duos menses. Domitianus vero frater eius minor statuit imperio. Cuius quarto anno apud Alexandria obiit Ammanus, post xxij. episcopatus annos. Abilius succedit. Cletus vero Romanus pontifex & ipse xij. annis sedet, & transiens Clementi papatum reliquit. Aiunt autem qui de cathedra Romanae ecclesiae perscrutari sunt, quod Linus & Cletus non sederunt vt pontifices, sed vt summi pontificis Coadiutores, quibus beatus Petrus tradidit ecclesiasticarum rerum dispositionem. Ipse vero tantum orationi & praedicationi vacabat. vnde tanta autoritate donati, meruerunt in Catalogo pontificum reponi.

PERSECVTIO DOMITIANI.

Caput XIII.

Interea Domitianus portio Neronis, eiusq; impietatis successor, Christianos valde persequitur, quosdam trucidat, quosdam bonorum direptione punit, quosdam tradit in exilium, inter quos Flauiam Domitillam egregiam virginem Christi, cuius gesta habentur, in insulam Pontiam deportari iubet, & beatum Iohannem euangelistam relegat exilio, vbi & Apoca

HAYMO DE CHRISTIA.

lypsim scripsit, missus prius in feruētis olei doliū, sed illesus. Hic familiā Dauid puri iubet, & propinquos Christi secundū carnē, vt interficiat, ne qs superesset Iudæorum ex semine regali. Quibus oblati, & de regno Christi respondentibus, Quia non est de hoc mūdo, liberos abire iubet, sed cōtemnit.

DOMITIANVS REGNAT

xv. annis. Cap. XIII.

ITaq; Domitian⁹ potitur imperio xv. annis, postea ex senatusconsulto oēs qui iussu eius exulabā, reuocant, cum quibus & beatus Iohānes redijt.

NERVA VIX PER ANNUM

regnat. Cap. XV.

NErva q; anno plus minúsve defuncto, Traianus obtinet imperium, cuius primo principatus anno Abilius Alexandrinus post xij. episcopatus annos diēni obiit, Cerdone succedente tertio in sacerdotium. Clemens tunc temporis post Petrum adhuc Romæ pontificatū tenebat: sed apud Antiochiam post Petrum Euodius fuerat, & secundus Ignatius. Hierosolymis post Iacobum fratrem domini adhuc præerat Simon domini cōsobrinus. Ireneus: Interea adhuc superstes beatus Iohannes euāgelista præest ecclesijs Asiæ, residens apud Ephesum, & permanet viuens vsq; ad tempora Traiani, ædificans ibi ecclesias quas Paulus primo ibi fundauerat. Hic Papiam & Polycarpum auditores & condiscipulos habet: qui etiam libros faciens & epistolas, instituit erudiuitq; plurimos. Qui bene in vltimis vitæ temporibus scribit euangelium, compulsus ab Asiæ epi-

scopis, propter hæreticos, qui eo exulante irruperant in ecclesiās, cum varis & peruersis dogmatibus. Hac ergo occasione de natiuitate Christi conscribit pauca de temporalibus eius gestis edisserens, tātum à cæteris euangelistis prosequens omissa. Nam alij quidē tres, facta domini persequuntur à carcere Iohannis baptistæ. Hic vero maxime ea quæ primo dominus per prædicationis tempus gessit ante Iohannis incarcerationem. Multa vero de trinitatis & vnitatis mysterio profundissime insinuat, vt diximus, aduersum hæreticos, quorum errores tunc pullulauerant.

DE MENANDRO MAGO

& hæretico. Cap. XVI.

SVb eodem nanq; tempore Menander quidam, Simonis magi Samaritani discipulus, & ipse Samarites & mag⁹, blasphemio errore maculat Antiochiam, irridens immortalitatem animæ & resurrectionem mortuorum, semetipsum saluatorem hominum esse asserens, nec aliter posse vnumquēq; angelos seculi vincere, nisi prius à se magicæ artis suscipere disciplinā, & quod per baptisma à se datum quisq; sic fieret immortalis: & æternus effectus, in hac vita fleret perpetuus.

DE EBIONITIS.

hæreticis.

Caput

XVII.

HVius quoque discipuli Ebionitæ, licet alterius sectæ, multos decipiunt, dicētes Christum purū hoīem esse, & cōmuni natiuitate ex viro

HAYMO DE CHRISTIA.

& formina procreatum, ceremonias adhuc legis custodientes.

EBIONITAE PAUPERES IN

terpretant, & vere sensu pauperes.

Caput XVIII.

Sed & Cherintus hæreticus, noua introducit dogmata, scilicet terrenum fore regnum Christi in Hierusalem, & interim homines vitij & concupiscentijs esse subiiciendos, & nuptiarū festiuitates afuturas, ad eos facile decipiēdos q sunt dediti libidini.

DE HAERESI NICOLAITA

rum. Cap. XIX.

Surrexit præterea & alia hæresis, quæ appellatur Nicolaitarum, quæ à Nicolao vno de septem Diaconibus cum Stephano ordinatis, se iactauit.

CLEMENS ALEXANDRI

nus de Nicolaitis hæreticis & Nico

lao. Cap. XX.

Hic autem Nicolaus pulchram habēs vxorem, cum post ascensionem domini ab apostolis increparetur de zelotypia, iniuria laceffitus produxit illam in medium, si quis eam habere vellet, libere permisit. Ex qua occasione isti consequens esse putauerunt, vt secundum hoc factum vel dictum Nicolai, carne sua in quo delectaretur, abuteretur vnusquisque. Vnde & nunc qui sectam propriæ libidinis assument, sub illius nomine promiscuos & illicitos expetunt concubitus.

ADHVC DE NICOLAO CLE

mēs cōmendans Nicolaū. Cap. XXI.

Mlhi autem cōpertum est, Nicolaum nullam prorsus cognouisse vxorē, prāter eam quā matrimonio sibi coniunxerat, cuius certe liberi fœminæ quidem vsq; ad vltimā senectutem caste perdurarunt. Filius autem ipse sanctitatem incorrupti corporis custodiuit. Vnde constat, q̄ ex contēptu libidinis vel vitij magis produxerit vxorem & liberam abire permisit, q̄ alijs quibuscunq; abutēdam exposuerit. Sed vt ad inceptum reuertamur, sciendū prādictas hāereses cito consopitas fuisse, maxime per scripta & prādicationem beati Iohannis, qui post lōga magnæ continentix & sobrietatis tempora, post insignem euāgelij prādicationem, post incredibiles signorum virtutes, tādē effodi sibi iubet sepulchrū. Qui etiam martyr & doctor apud Ephesum dormit, cōpleta bona & venerabili senectute nonaginta annorum & octo: in cuius laudabili fine, & nos tertium volumen finiamus.

• HAYMONIS •

EPISCOPI HALBERSTAT.

liber quartus.



Caput .I.

Ost obitum beati Iohannis, & decessum apostolorum, siue illius chori, qui à domino susceperat viuæ vocis auditum, statim vt in vacuam domum, ingerunt se pestilentes hæretici in ecclesiam.

C

HAYMO DE CHRISTIA.

PERSECVTIO TRAIANI IM-

peratoris. Cap. II.

Sed & Traianus imperator aduersum Christia-
nos maximam mouit persecutionem, sub quo Sy-
mon Hierosolymorum episcopus, accusantibus
hæreticis per dies aliquot afflictus supplicijs, ad vlti-
mum crucifigitur, admirante ipso iudice, quod senex
c. & xx. annorum crucis patibulum pertulisset. Tunc
persecutionum pondere vrgetur ecclesia. Tūc multa
martyrum milia iugulantur, quibus Plinius Secū-
dus præses motus, scribens ad imperatorem pro nostris
deprecatur, asserens nullum in eis crimen, nisi quod
antelucanos hymnos CHRISTO cuidam cane-
rent deo.

EGESIPPVS DE MARTYRIO

Symonis Hierosolymitani

Episcopi.

Cap. III.

Igitur Symone per martyrium resoluta, Iustus qui-
dam suscepit eius episcopatum. Tunc vrbis Romę
pontifex Clemens nouem annis sacerdotio fun-
ctus, Euaristo reliquit papatus ministerium.

DE IGNATIO FORTI ATHLE-

ta.

Caput IIII.

Tunc etiam Ignatius post Petrum secunda suc-
cessione Antiochenus episcopus, de Syrię parti-
bus ad vrbem Romam transmittitur, & pro cō-
fessione Christi, eiicitur ad bestias. Qui athleta Christi
fortissimus in quadam epistola sua, quam ad Roma-
nos scribit, id etiam deprecatur, ne velint eum spe mar-

Syrj priuare, in qua his ipsis vti verbis, vti vere Christianissimus & immobilis à fide: O salutare bestias q̄ preparantur mihi. quando venient: quando emittentur: quādo licebit eis frui carnibus meis: q̄ ego opto acriores parari, & inuitabo ad deuorationem mei, & deprecabor, ne forte, vt in nonnullis fecerunt, timeant contingere corpus meum: quinimò, & si cuncta buntur, ego vim faciam, ego me ingeram. Date quęso veniam, ego quippe noui quid expediat mihi. Nunc incipio esse Christi discipulus, ignes, cruceſ, beſtiæ, diſperſiones offium, diſcerptiones membrorum totius corporis pene, & omnia in me vnum ſupplicia diaboli arte quæſita compleantur, dummodo Ieſum Chriſtum merear adipiſci. ſed & multas alias ſcribit epiſtolas, qui à Syria Romam nauigans. & per omnes quas ingrediebatur exhortans eccleſias, & cōfortans in domino, tandem vt & ipſe ſcribit, cōnexus & colligatus decem leopardis militibus datis ad cuſtodiam, feliciter migravit ad dominum.

HAYMO.

Caput V.

Q Vi bene in Canone Miſſę, poſt accelerationē ſanctorum apoſtolorum cum egregijs martyribus ponitur. Nam qui valide deū & Chriſtum eius ob inſignem fidei confeſſionem, ob clariffima ſcripta & facta promeruit, valde poteſt pro nobis ſupplicare, vt vere digniſſimus & hæres Petri apoſtolici tam morum quàm cathedræ ſucceſſione.

DE SVCCESORE

Ignatii.

Caput VI

HAYMO DE CHRISTIA.

Post Ignatium Heros successit in episcopatum, quo tempore floret viræque insignis, Quadratus, celebris in prophetica gratia, cuius etiam opuscula habentur.

DE EGREGIIS PRAEDICATORIBUS & PRAELATIS ECCLESIAE.

Caput VII.

Longum est enumerare de singulis rectoribus, quæ fecerunt in ecclesijs post apostolos. Vnde illos commemorabimus, quorum fides ad nos peruenit & prædicatio, quorū exemplis erudita & solidata est ecclesia, qui ardentiore philosophia verbo dei se consecrarunt, & ad salutare præceptum primo indigentibus sua diuidentes, ad prædicandum expediti, euangelistarum functi sunt officio. Quos etiam, vt apostolos, in initio fidei comitata est spiritus sancti gratia, & miraculorum præpotens secutus est effectus. De quorum numero Cerdon Alexandrinus episcopus, de quo supra dictum est, quod xij. anno Traiani principatus obiit, succedit quidā Primus nomine, quartus ab apostolis.

Caput VIII.

Evaristus quoque Romanus pōrifex, post octo episcopatus annos obiit, Alexandro venerabili, & apostolico viro succedente.

Caput IX.

Interea crescente ecclesia, Iudæi seditionem mouentes Alexandria & per Aegyptum, & per diuersas terras, digna & innumera caede sternuntur sub Traiano.

mensibus minus regnat.

Cap. X.

QVo xx. annis, sex mensibus minus principatu p-
functo, hic Adrianus in scepra succedit.

REGNVM ADRIANI

Cap. XI.

TVnc Quadratus, discipulus apostolorum, de q
supra meminimus, & antistites Athenienses scri-
bunt libros de Christiana religione ad Adria-
num, qui libri habentur insignes, vt apostolicæ do-
ctrinæ & magnorum ingeniorum indicia.

ALEXANDER papa sedit x. annis.

Caput XII.

TVnc Alexander papa, tertio Adriani anno marty-
rio coronatur, & vii. ab Vrbe miliario, vbi decol-
latus est, sepelitur, sicut eius gesta narrant.

H A Y M O.

Cap. XIII.

INuenimus autem in retractatione Chronicarum
Eusebii, quam Beda breuiadi gratia ordinat, pru-
denter & succincte, quod præfatus Pontifex non
sub Adriano passus est, sed sub Traiano; quod ex
hoc facile potest probari, q̃ Adrianus per Quadratū
libris de nostra religione compositis instructus, præ-
cepit per epistolam Christianos sine obiectione cri-
minum non puniri.

B E D A. vltimum excidium

Iudæorum.

Caput XIII.

C III

HAYMO DE CHRISTIA.

Hic denique Adrianus Iudæos secundo rebelles, ultima cæde domat, etiam eis ablata licentia introeundi Hierosolymam, quam ipse in optimam murorum cæperat extructionem, & Heliam vocari de suo nomine instituit. Hic Antinoo amasio suo annuos agones instituit celebrari, & cæpit appellare Antinoios, & ciuitatem condidit eius nominis Antinon, & templum ei dicauit, Sacerdotes & prophetas instituit. Interea Alexandro finito per martyrium, Sixtus subrogatur Romæ, Alexandriæ vero Primo defuncto. Iustus episcopus eligitur.

EPISCOPI Hierosolymæ ex Iudæis. Cap. XV.

Hierosolymæ vero primus ex gentibus creatur Marcus episcopus, cessantibus his qui fuerant ex Iudæis, qui sunt numero xv. id est Iacobus frater domini, Symon, Iustus, Zachæus, Thobias Beniamin, Iohannes, Matthias, Philippus, item Iustus, Leui, Effrem, Ioseph, Iudas.

DE BASILIDE ET SATVRNINO hæresiarchis. Cap. XVI.

Per idem tempus humani generis hostis antiquus, quasi bino ore sibilat per Basilidem hæresiarcham, ortum Alexandriæ, & Saturninum genitum Antiochiæ, conturbans ecclesias. Hic Basilides comparat sibi discipulos, quos facit ad morem Pythagoricum quinquennio silere. Hos docet immolata absque conscientie respectu degustare, & sine scrupulo & indifferentem debere in persecutiõibus fidem negare.

BLASPHEMIA Saturnini & Carpocratis. Cap. XVII.

Saturninus autem eadem quæ Menander supra dictus cōmentatur. Carpocrates autē quidā Simonis magi, non vt ille clam, sed palā ac publice p̄stigia depromit. per hos imponunt opprobria, incestus, & stupra, p̄miscue habita, inf̄ fratres & sorores & matres: sed hos facile per dñi gratiā, tunc in nostris p̄habilis vita & eruditioē cōiicit & exuperat, q̄s maxime Egesippus discipulus ap̄stolorū Christi cōtemporaneus, cuius insignes libri habent, d̄sputatiōibus & scriptis confutat, adeo vt cito euanescentibus p̄dictorū h̄reticorum figmentis, felix efficiatur famā Christianorum, ita vt om̄e genus hominum p̄p̄rijs legibus & superstitionibus derelictis, & a diis ad dominum Iesum concurreret, & discere ab eo, qui mitis est & humilis corde, festinaret.

ADRIANVS regnat annis xxi. Thelesphorus sedit annis xi. Hyginus sedit quatuor annis. Pius sedit annis duodecim.

Caput XVIII.

In terea moritur Adrianus, & imperat Antoninus, cognomento Pius. Thelesphorus martyrio resolutus decidit, Hyginus succedit ap̄stolatui, sub q̄ Valentino Cerdo, & quidā Martion figmenta haretica dogmatizāt. Hygino autem decedente, Romano Pius fungitur sacerdotiō. Marcus substituit Alexandrie, Eumenide defuncto. sed & Marco post x. annos mortuo, Geladion eius gubernat ecclesiam. Pius ve-

HAYMO DE CHRISTIA.

ro in vrbe Roma, expleto sacerdotio, Aniceto sedem reliquit, sub quo Egesippus Romam venit, ibidem permanens vsq; ad episcopatum Eleutherij, qui fuit post Anicetum. Tunc & Iustinus philosophus, Christi & fidei nostræ cōtra Martionem, tam viua voce quā libris defensor, scribit ad Antoninum librū de Christiana religiōe, & obtinet gratiam pro nostris.

DE POLYCARPO insigni martyre. Cap. XIX.

EO tempore Polycarpus ordinatus & eruditus ab apostolis, Smyrneorum episcopus, lōgæua & innocenti vita venerabilis, pergit Romam, & corruptos per Valentinianū & Cerdonem ab hæretica labe castigat. Traditur hunc eleganter narrasse de Iohanne apostolo, quod cum apud Ephesum, lauandæ gratia balneū esset ingressus, & vidisset ibi Cerinthus, exiit continuo non lotus, dicēs: Fugiamus hinc, ne & balneæ ipsæ corruant, in quibus lauat Cerinthus veritatis inimicus. Extant huius præclara quædam opuscula, & epistola huius ad Philippenses præualida, continens fidei monita & salutis. Hic autem post Antoninū Pium, imperante Marco Aurelio Vero, & Antonino filio eius cum Lucio fratre, vitam finiuit martyrio.

ANTONINVS Pius sedit annis xij.

Haymo. Caput XX.

Ignus est autem hic perpetua ecclesiæ cōmemoratiōe donari, celeberrima passione resolutus, quem huic nostro cōpendio licet curta-

tis sermōibus, ob insigne eius meritum, ob ipsius pa-
 trocinij suffragium, curauimus annotare. Hic ergo
 ante triduum q̄ cōprehenderetur, videt nocturna vi-
 sione capitis sui ceruical igne consumi, euigilansq; fra-
 tribus sic interpretatus visionem, se pro Christo esse
 arsurum. Nec multo post insiliunt eius cōprehenso-
 res. Ad quos placido vultu progrediens, apponi mē-
 sam hostibus, quasi hospitibus iubet, & large epulas
 ministrari, impetrata per horæ spacium oratione.
 Deinde asino sedens, ducitur ad tribunal. Cumq; in-
 gressus fuisset, audit vocem de cælo: Fortis esto Poly-
 carpe. Commonitus ergo à procōsule multis sermo-
 nibus, vt habens etatis suæ reuerentiam, iuret per for-
 tunam Cæsaris, & dicat in Christum conuitia, elegā-
 ti voce, & vere digna discipulo Iohannis respondit:
 Octoginta, inquit, & sex annis seruius ei, & nunquam
 me lesit, quomodo possum maledicere & blasphema-
 re regem meum, qui dedit mihi salutem? non facio.
 Comminante iudice bestiarum immissiones, constā-
 ter ait, adhibeātur. Comminante quoq; ignes, secure
 inquit, adhibe. Tunc populis Smyrnæ ciuitatis, tam
 Iudæorum q̄ gentilium conclamantibus: Viuis ar-
 deat, destinatur ad ignem. Quo extructo, depositis se-
 nior indumentis, ac zōna resoluta, calceamēta quoq;
 pedibus tētāt educere, quæ nunquam nisi à religiosis,
 à quibus semetipsum præuenientibus, resolui consue-
 uerant. Sic nanq; ab omnibus venerabiliter coleba-
 tur. Exinder emissis manibus, post tergum traditur
 igni. Sed cum factō diuinitus miraculo, non posset
 igne consumi, tandem à lictoribus mucrone trans-

Proditur, oblatum est deo, tam victima, quam holocaustum in odorem suauitatis.

DE IVSTINO doctore & martyre.

Caput XXI.

Per idem tempus supradictus philosophus Christi Iustinus secundum iam librum, pro nostrae religionis defensione conscriptum, offert iudicibus, remunerationē linguę fidelis & eruditę, martyrii recepit munus, accusante eum quodam philosopho, Crescente nomine, doloso proditore, & tendente ei insidias, pro eo maxime, quod saepe cum præfatus Iustinus suis disputationibus publice cōfudisset. Hic antequam proprium funderet agonem, etiam eorū qui ante eum martyres extiterant, certamina describit. Extant & alia eius opuscula præclara, & magnę eruditionis indicia, quæ enumerare longum est.

ANICETVS Papa Romanus, sedit annis vñdecim.

Caput XXII.

Interea Aniceto obeunt, Sother succedit, & Celsidion Alexandrino. Agrippinus tunc episcopus supra commemoratus, & Dionysius, Corinthiorū episcopus, & Irenæus insignes habentur. Hiscribunt libros & epistolas, erudiunt ecclesiam, & confirmant. Quorum ingenij extant adhuc mōnimenta. Extat huius præfati Dionysij epistola ad Athenienses perlucida, inuitans ad martyrium, prolapsos arguens, in quā & illud designat, quomodo Dionysius Arcopagites à Paulo instructus, primus Athenis episcopus fuerit.

ordinatus. Sed & Theophilus quem supradiximus Antiochiæ commentarios scribit, & hæreticos qui tunc surrexerant disputationibus præc'aris confutat, & præcipue Martionē, cum quo Irenæus & Modestus magnifice laborāt. Sed & Melito Sardinēsis Aristes, & Apollinaris Ierapolitanus celeberrimi habentur, & scribunt libros pro nostra intercessione Antonino Imperatori Romano. Extant autem Melitonis multa & præclara opuscula, in quibus ecclesiæ fidei regulam mira depingit ratione. Hic in libello quem de explanatiōe scripturarum scribit, quasi in præfatione enumerat, quæ sint veteris Testamēti volumina, quæ in Canone debeant obseruari.

IRENÆVS de hæresi Encraticarū.

Caput XXIII

Tunc surgit hæresis Encraticarū à Saturnino & Martione descēdens, damnantiū cibos animalium, quæ deus cum gratiarum actiōe humanis usibus percipiendos instaurauit, nuptias quoque & fornicationem & corruptionem pari lege iudicantium. Quorum autorē quendam fuisse aiunt Tatianū, qui primo auditor fuit Iustini, & in vita eius nihil tale quidē, perdidit, sed postquā ille martyrio resolutus est, abscidit se ab ecclesijs, doctoris arrogātia tumidus. Et ut maior ceteris æstimaret, propriū docendi instituit stylium. Verum hic Tatianus collationē faciens quādam euangeliorū, nescio quomodo cōponit vnū ex quatuor, quod dyatesseron nomināt, nam etiā nunc habet à multis. Extrat vnus huius ex multis libellus, quē aduersus gentes scribit, quæ ex omnibus scriptis eius præ-

HAYMO DE CHRISTIA.

cipuus & valde vtilis cōprobat. Per idem tēpus pullu-
lāt innumere hereses, & p̄cipue apud Mesopotamiā.
Quibus foris obstat disertissimis disputatiōibus suis
Bardesanes quidā, potens in verbo & doctrinā, & ve-
hemens dialecticus, & libros scribit maxime aduer-
sus Martionē. Quos propria lingua, hoc est Syra, cō-
positos, discipuli eius in Grēcū vertēre sermonem.
Sother sedit annis viij. quo tempore etiam Roma-
nē ecclesię Sother episcopus pius & clemens circa fra-
tres & sanctus, indigentibus quæ corporalis vsus ex-
petebat, large impartiens, viuendi finem facit, & nos
huc quarti voluminis finem faciamus.

• D • HAYMONIS •

EPISCOPI HALBERSTAT.

liber V. Cap. .I.



Gitur Sotheri episcopo xij. ab a-
postolis, succedit Eleuterius, xvij
anno imperij M. Antonini Vcri.
Quo in tempore per multas Ro-
mani orbis prouincias, ex accla-
matione vulgi & seditiōe aduer-
sum nostros, dirissima persecuti-
ones concitantur, ita vt martyrum multa milia per
singula loca fiant.

DE EPISTOLA LVGDVNEN- SIS ECCLESIAE.

Caput II.

TVnc serui Christi habitantes Lugdunum, Viennam, nobilissimas Galliae vrbes, grauissimis tribulationibus affliguntur, quibus, vt breuiter & raptim per omnia persecutionum genera concludamus, totis viribus congressus est inimicus. Et primo quidem domorum eis prohibetur habitatio: tum deinde vsus balnearum, post etiam processus ad publicum. ad vltimum vero tam publicus quā priuatus locus, sic deniq; iniuria affecti clauduntur, verberant, lapidantur, & excruciantur, adeo vt singulas cruciatus species nemo possit exponere. Sed sustinent æquanimiter sancti, vt i stabiles Christi columnæ, nec solum iam ferunt impetus, sed vltro etiam expetunt. Quidā autem infirmiores subeūdis inualidi, peccatis suis forsā exigentibus, labuntur, ferme decem. Qui lapsu suo luctum ingentem relinquunt ecclesie, quæ de lapsib; nostrorum magis quā de tormentis tristatur. Tunc aduersus nostros, diabolo instigante, noua & capitalia mendacia plebs infidelium commentatur. Et comprehensis quibusdam seruis paganis Christianorum, extorquet ab eis tormentorum metu, quod & Christiani filios suos comedant, & matribus & sororibus abutantur. Hinc apud omnes Christiani execrationi habentur, præsertim apud eos, qui clementius aduersus eos agebant. Inter quos sanctus quidā diaconus, nomine Viennensis, & Blandina, nobilis forma, & Photinus venerabilis Lugdunensis episcopus, cum iam nonagenaria esset ætate, & præ languore & senio magis deferretur ad tribunalia quā duceretur, soluunt martyrio, sicut gesta eorum habent. Patitur & cū eis

HAYMO DE CHRISTIA.

Attalus quidam, cuius inter tormenta nobilis vox illa fuit, cum assarentur carnes eius, & nidor adustę carnis persentiretur, Hoc est, inquit, homines comedere, quod vos facitis. Neque nos homines comedimus, neq; aliud quid mali agimus. Interrogatus quod nomen habet deus, eleganter respondit: Qui plures sunt, nominibus distinguuntur: qui vnus est, non indiget.

ITEM EX epistola Lugdunensi.

Caput III.

Tanta autem beatorum martyrum humanitas erat & humilitas, vt frequenter martyres facti, post bestias, post ignes & laminas nullatenus paterentur se a martyrio appellari, vel in sermone, vel in epistola fratrum. & si quis hac fecisset, durius increpabant, dicentes, q̃ hac appellatio soli Christo debeatur, vel certe his, qui post bonam confessionem discedere de hac vita, & pergere ad deum meruerunt. Nos autem humiles & egeni, aiebant, optamus vt ipsa saltem in nobis confessio tuta permaneat. Tanta ergo erat in eis humilitas, vt cum rebus ipsis martyres essent, nominis tamen iactantiam fugerent. Inter fratres humiles, inter persecutores elati. Accusabant neminem, soluebant cunctos, litigabant erga nullum, orabant, p̃ persecutoribus suis, vt tentes verbis sancti Stephani martyri, sdicentis: Domine, ne statuas illis hoc peccatum. Et per nimiam charitatem quam habebant in Christo Iesu, & his qui lapsi fuerant, totis miserationum visceribus inharebant, omnipotenti deo effundentes pro eis flumina lachrymarum. Nec sibi gratum iter dicebant eundi ad dominum, si pars membrorum suorum de eo

desijs rapta à diabolo diriperetur. Hæc ergo quæ ex
 tantorū autoritate virorum descendūt, dicta sunt, p-
 pter eos & contra eos, qui tumidi & elati aduersum
 fratres ferūtur: & si qui forte titubauerint, viscera mi-
 serationū Christi putant ab eis penitus excludenda. tot

DE IRENAEO viro illustri.

Caput IIII.

IGitur Photino Lugdunensi episcopo cum cæteris
 martyribus coronato, Irenæus Polycarpi auditor
 in pueritia sacerdotio ei⁹ succedit. Hic multos scri-
 bit libros, & præclara ingenij sui monumenta reliquit,
 inter multa & innumera sua opuscula quoddam de
 Lxx. interpretibus elegans miraculum narrat.

DE LXX. Interpretibus.

Caput V.

PTolemæus (inquit) Lagi filius, volēs bibliothecæ
 suæ, quam apud Alexādiam ex omnium Græ-
 corū voluminibus cōstruebat, maiorem gloriā
 q̄rere, petit etiam ab Hierosolymis, vt eorū Hebræas
 scripturas in Græcā linguā interpretatas, acciperet. At
 illi (quippe subiecti erant Macedonibus) electos &
 in scripturis sanctis in vtraq; lingua peritissimos viros
 Lxx. presbyteros miserunt ad Ptolemæum. In quo
 tamen volūtas dei & cōsiliū gerebatur. tunc ille sin-
 gulorum volens accipere documēta, & verēs ne for-
 te per interpretationem occultarēt insertam diuinis
 voluminibus veritatem, singulos à se inuicē separat,
 & eadē seorsum positos interpretari iubet, eundem
 que interpretandi ordinem in singulis voluminibus
 obseruari. Quosq; in vnum cursum coram se reuo-

HAYMO DE CHRISTIA.

care, & cōferre adinuicē q̄ singuli interpretati, iubet. Et nūc vere deus glorificat, & scriptura sancta, q̄ vere diuina sit, agnoscit. Omnes em̄ de eadē iisdē verbis, iisdēq̄ nominibus interpretati sunt, ab initio vsq; ad finē, ita vt & ipsi qui aderant, gentiles agnoscerent, quod Dei nutu tunc scripturæ interpretatæ sunt. Nec mirū cum Hesdram sacerdotem inspirauerat deus ad reparationem Hebræorum voluminum, sub captiuitate Nabugodonosor regis corruptorum.

HAYMO. CAP. VI.

Hoc Irenæi testimonium ad reuerentiam diuinarum scripturarum posuimus, licet quibusdā ecclesiasticis viris videatur Apocryphum, pro eo maxime, quod Iosephus scriptor Hebræorum nihil tale affirmat, sed in vna eadēque Basilica scribit eos pariter contulisse. Quod & beatus Hieronymus in præfatione Pentateuchi cōtestatur. Sed iam ad narrationis ordinem reuertamur.

DE MIRACVLO FACTO A

Christianis in exercitu Christianorum. Cap. VII

Igitur Antonini temporibus quibus tot mala illata esse referūtur, Marcus Aurelius frater eius bella infert Sarmatis ac Germanis, cuius exercitus dum siti periclitatur, quidam milites Christiani qui aderāt, supplicant: quorum supplicationibus & pluuiæ large de cælo perfusa, reficit exercitū, & fulmina crebro coruscantia fugant eminus hostes. Narrant & hoc gentiliū historiæ, sed quod hoc à nostris impetratum est, subticendo dissimulant.

INterea moritur Antoninus, Commodus succedit imperio. Tunc Iulianus apud Alexandriam suscipit sacerdotium. Tunc Pantæus Stoicus ibidem ecclesiasticæ scholæ rector in disputatione dogmatis nostri disertissimus habetur. Qui fidei calore succensus, vsq; ad Indiam citeriorem prædicat verbum dei. In cuius diuinæ eruditionis schola Clemens Alexandrinus maxime effloruit. Tunc Narcissus præsidens ecclesiæ Hierosolymorū celebris habetur, præclarus fide & opere signorum. De quo fertur inter vniuersa eius miracula, quòd miro & inaudito genere virtutis aquam in oleum cōuertit, quādo forte in solenni die vigiliarum Paschæ oleum deesset luminaribus. Per idem tempus hostis generis humani nihil vnquā otij gerens, diuersas & varias hæreses per singula quæq; loca suscitât, in quibus maximum sui generis serpente apud Asiam, Phrygiâq; producit, Mōtanum. Qui se paracletum nominat, & mulieres quasdā secū, Maximillam scilicet & Priscam, prophetissas esse velut ex sua inspiratione confingit. Hic impie docet nuptias solui, & ieiuniorum leges primus imponit. Hic Pepusam & Thymium oppida Phrygiæ Hierusalem appellat, atq; in hæc omnes congregandos decernit. Hic exactores pecuniæ statuit, & sub nomine oblationum, munera artificiosius accipit. Hic salaria præstat prædicantibus verbum suum, vt per hoc vincti enixius eius doctrinæ præbeant operam. Sed tradit, quòd tandem ipse & mulieres suæ, ipso demone quo

Inspirabantur agente, diuersis temporibus laqueo vltimam finierunt, exemplo Iudę proditoris. Sub hoc tempore etiam in vrbe Roma, regula ecclesiasticę traditionis vexatur per Blastum & Florinum schismaticos. Sed fuere tunc per dei gratiã viri fidei & virtutis, qui tam predictas hereses quàm schismaticos destruxerunt, scribentes aduersus hæc libros vel epistolas, vt Irenæus, Melitides, Serapion, Apollonius, & Apollinaris, & multi alij.

QVAESTIO oborta de Paschali tempore. Caput IX.

INterea presidentibus ecclesię egregijs sacerdotibus sub principe Cōmodo, Victor apud Romā, Demetrio apud Alexandriā, Serapione apud Antiochiā, apud Cæsareā Palestinę Theophilo, & Narcisso Hierosolymis, apud Ephesum vero Policrate, q̃stio nō minima exoritur in prouincijs Asię, veluti ex antiqua eorū obseruatione descēdens, qđ quartadecima luna putarent omni tpe Pascha obseruandū, quando scilicet Iudęis pręcipit agnus immolari, velut necessario cōfirmantes in quacuncq; die septimanę xiiij. luna venisset, solui debere ieiunium, cum talis consuetudo in alijs prouincijs nunq̃ obseruata fuisset vel ecclesijs. Ob quam causam cōuentus episcoporū & concilia cōuocantur, tam apud Cæsariam Palestinę, quàm apud Romā, altercantibus Victore Romano pōtifice, ceterisq; occidētalibus episcopis contra Asianos, & dicētib; quod nō liceat aliquādo, nisi in die dñica, in qua dñs surrexit, dominicū Paschę celebrare mysteriū, & in hac sola soluendum esse ieiunium.

RERVM MEMO. LIB. V.

RATIO Polycratys, cur vellet Pascha

xiiij. luna obseruari.

Cap. X.

Affirmantibus è contra Asianis & maxime Polycrate Ephesiorum episcopo, qui in eos prematum agere videbatur, quod ab illo interme-
rato die Paschæ, in qua secundum euangelium etiam ipse dominus suum Pascha celebrauit, nihil licet adde-
re vel substrahere, vt vltra xiiij. diem vel infra celebra-
retur, prætendentibus etiam antiquum morem & ma-
iorum traditionem, & dicentibus, quia Philippus eu-
gelista, qui cum suis filiabus dormit in Asia, & Iohan-
nes apostolus, qui supra pectus domini in cœna recu-
buit, necnon & Polycarpus discipulus eius obserua-
uerunt. Tandem autem inspiratione diuina plurimis
in vnum cõcordantibus, & sanioris fidei & scientiæ e-
piscopis, promulgatum est solenne decretum à Victo-
re Romano pontifice de Paschæ concordia, & subscri-
bentibus venerabilibus episcopis Narcisso Hieroso-
lymitano, Theophilo Cæsariensi, Irenæo Lugdunen-
si, cum cæteris episcopis Galliarum, & confirmantibus
quod in dominica die resurrectionis Christi mysteri-
um Paschæ debeat omnimode celebrari.

HAYMO.

Caput XL.

Mihi autem videtur Romanâ ecclesiam pru-
denti cõsilio & saniore sententiâ hoc potius ele-
gisse ne Iudaizare videremur, & Mosaicū ad
huc vel figuratiuū Pascha obseruare, si sp xiiij. luna so-

HAYMO DE CHRISTIA.

Iennitatem Pasche celebremus. Vnde quia finito veteri & typico nouum Pascha Christus instituit, & p
esu agni typici tradidit immaculati sui corporis & sanguinis mysterium, recte sicut agnum typicum non sumimus, sic iam figuram negligimus, cum rem tenemus. Itaque & illam xiiij. diei obseruantiam cum Iudæis non facimus, sed die resurrectionis domini nouum potius nostrum Pascha celebramus. Quia cum Pascha transitus interpretetur, & nostrum transitum vel de vitiis ad virtutem, vel de morte ad vitam significet, recte & vere transitus noster, qui a passione domini incipit, cum dominus resurgit perficitur, & ideo tunc potius Pascha celebramus. Nihil enim nobis Christum mori profuit, nisi & resurgere profuisset. Sunt & aliæ forsan patrum rationes, quas diligens & studiosus lector alicubi poterit reperire. Sed iam ad narrationis ordinem reuertentes, pensemus hic aliquantulum, ut postmodum recreati sextum volumen expediamus.

• HAYMONIS • EPISCOPI HALBERSTAT-

tensis liber VI.

Caput .I.



Gitur Cōmodo imperatore tre
decim annis functo imperio, &
Aelio Pertinace post eum solis
sex mensibus, Seuerus suscepit
principatum. Sed & Victore pa
pa x. annis episcopatu functo,
Zephyrinus suscepit sacerdotiū.

Extant eo tempore plurimi ecclesiastici viri & stylo
illustres. Heraclitus, qui in Apostolū commentatus
est, & Maximus, qui de famosissima omnium hæreti
corū quæstione disseruit, sed & Cādidas in hexamerōn,
idem de principio Genesis scripsit, Appius quoq;. Hi
cum quibusdam aliis hæreses ortas suis temporibus
confutant, & maxime hæresim Pauli Samosatēni, ha
bentis auctoritatem à quodam Artemone, dicentis e
purum hominem & absq; deo fuisse saluatorem, &
mentientis id ipsum ab apostolis antiquitus fuisse tra
ditum. Interea Seuerō quoq; aduersus ecclesiam sæui
ente, martyres multi efficiuntur, præcipue tamen a
pud Alexandriam. Quod ex omni Aegypto ac Thebai
de, velut in quoddam stadium pietatis, athletæ ducē
bantur. In quibus & Leonides pater Origenis, pro fi
de Christi capite plexus est, qui teneræ adhuc ætatis
supradictum puerum dereliquit.

H A Y M O.

Cap. II.

HVius scilicet Origenis vitā & actus & dogma
ta, si quis vult plenius nosse, legat Eusebium,
de quo hæc transferimus. Qui de eo tanta &
taliter scribit, quanta & qualia non est dignum huic cō

D iij

HAYMO DE CHRISTIA.

pendio inferere, maxime cum nouerimus prædictum Eusebium à quibusdam ecclesiasticis viris aliquantulum notatum fuisse, quòd nimius fuerit in laude Origenis. Illud vero de eo breuiter enarramus, quod etiã orthodoxi quoq; & religiosi viri diffiteri nō possunt.

DE ORIGENE.

Caput . III.

ORigenes Leonidis martyris filius & ipse fere à pueritia volūtate martyr & forsitan actu, nisi quia à matre surripiente nocte vestes eius, pia fraude præpeditus est, magnam à deo & manifestam gratiam scientiæ consequitur, potens in Grāmatica & ceteris communibus literis, & in omni Philosophica eruditione apprime institutus. Maxime autem in lectione & doctrina diuinorum voluminum potentissimus illius temporis & famosissimus indagator. Hic ergo præ magna & incredibili scientiæ prærogatina, doctor ecclesiæ apud Alexandriam à Demetrio ipsius loci episcopo constituitur, cathedramq; doctoris obtinet tertius post Pantænum & Clementem, cuius scilicet Clementis, & ipse extitit auditor, vbi dum verbū dei palam, tam viros quàm fœminas instituēs docet, & occasionem omnis turpis maledicti vult infidelibus excludere, quædā minus perfecti sensus exercet in proprio corpore, sed feruētis fidei & nimic castitatis opus. Nam cum ante omnia præcepta euangelica & voces saluatoris obseruaret & obseruari præciperet, illud euangelicum attendens, quia sunt eunuchi, qui se castrauerunt propter regnum dei, dominicam vocem re atque opere mox in semetipsum aggreditur

adimplere. Tunc igitur maxime dat operam doctrinæ & prædicationi, quando aduersariis nulla derelicta est obtrechandisuspicio. Tunc ut Apostolus dicit, Verbum dei opportune prædicat & importune, per diem & per noctem, publice & priuatim, in abstinentia plurima, in ieiuniis indeficientibus, vigiliis pene iugibus, ita ut si quando parum aliquid somni naturalis necessitas exigeret, hūc ille non super stratum, quo omnino nullo utebatur, sed super nudi soli deprehenderet superficiem. Fertur autem, quod ex eius auditorio plurimi de utroque sexu martyres effecti sunt. Extant eius ingenii libri multi, inter quos in sacras scripturas commentarios edidit sane doctissimos. Item xxx. libros in partem quandam Isaie prophetæ commentatur, in Ezechielem quoque viginti & quinque libros, totidemque in Cantica canticorum. Librum etiam de Martyribus ad Ambrosium scripsit, tanta & tam districta spiritus virtute, ut eius sententiis tanquam validissimis muris multos ad martyrium stabili retineret. Sunt & alia opuscula pene innumerabilia, quæ omnia in hoc compendio enumerare non est opus. Sed illud præclarum fertur de eo, quod nunquam permisit ea quæ in ecclesiis differebat, à notariis excipi, nisi quā iam sexagesimum ætatis agens annum, multo usu & labore, plurimum fidutię in verbo dei acceperat, iam scilicet quando in eo erat vitę grauitas, & maturitas ætatis & multę experientiæ autoritas. Inter quoque eruditionum suarum studia, ne illud quiddē omisit Origenes, perscrutari & addiscere Hebræę lingue virtutē, ut cognosceret vel ea quæ à Iudeis leguntur quæ

sint, vel cæterorum interpretum, qui præter lxx. interpretati sunt, quanta esset eruditionis diuersitas, ita ut præter istas quæ in usu sunt Aquilæ, vel Symmachi, vel Theodotiōis, inuenerit etiam alias interpretatiōes in absconditis & secretis latentes, in quibus nec nomina quædam interpretum reperit scripta. Dicit autem quod aliam reperit in Actiaco littore apud Nicopolim, aliam in Hierico, atque alias in alijs reperit locis. Sed & aduersum hæreticos confutandos, tam viua voce, quam librorum disertis disputationibus elaborat. Nam & Berillum Bostræ vrbis Arabiæ episcopum, qui dicebat saluatorem nostrum, neque extitisse ante carnis naturam, neque propriam habere diuinitatis existentiam, sed hoc solum, quod interna deitas in eo habitaret, disputando confutauit, & Celsum quendam Epicureum Philosophum, qui contrarios libros fidei scriperat. HAYMO. Vnde plurimum admirari non sufficio, quod vir tam illustris, tam aperte rebellas & obuians hæreticis, deuolurus sit in notissimam hæresim & errorem, scilicet quod Seraphin in Asia spiritum sanctum exposuerit, & in alio loco de pœnitentia diaboli scripserit, & de absolutione reproborum post mille annos, & multa alia quæ orthodoxæ fidei aduersantur, maxime cum abstinentissime & castissimæ vitæ fuisse referatur, & tam præclaræ doctrinæ, tamque puri & lucidi sermonis. HAYMO: Ego sane de eo salua fide patrū dixerim, vel quod hæc omnino non scripserit, sed ab hæreticis ob præclarum nomen eius obfuscandum maligne conficta sint & conscripta, & nomine suo prætitulata; vel si scripsit, non

statuit ex sententia, sed differuit ex opinione. Nam ut ipse dicit, philosophorū & hæreticorum dogma didicerat, ne ad eos cōuincendos imparatior esset, si ignoraret quæ apud ipsos erāt. Et fortasse cum in aliquib⁹ locis scribendo attingit eorum errores, calumniatus est, hoc à semetipso dixisse. Quod si etiam prædictas hæreses ut placet quibusdam, ex sententia scripsit, valde compatiendum est tam eruditi pectoris viro, qui tantam nobis eruditionis copiam ministravit. Cuius vitia, si qua sunt in scriptis, potest eorum quæ fideliter scripsit luminosus quidā ac cælestis splendor exuperare. De quo & à patribus dictum est, quia ubi bene scripsit, nemo melius. Quod autem erratū est ab Origene & cōtra orthodoxam fidem aliquid descriptum, opinor hoc ei accidisse, quod nimio lectionis studio philosophos est amplexus. Attigerat enim & oīno affecutus fuerat secreta Platonis & Pythagoræ, Zenonisq; Stoici & Cerinthi uolūina, ceterorūq; philosophorum. Et fortasse quia nimis est immoratus, & diutius ebibit de calice Babylonis inaurato, quodam modo coactus est de eius fece in sacram scripturam aliquid effundere, ex quo ualde & vigilāter cauēdū est ecclesiasticis uiris, ne nimis philosophicis institutis dent operā, ne forte cū inebriati fuerint, inanibus poculis & tumidis assertiōibus inflati, difficili⁹ retracto pede ad humilitatē Chri reuocetur, & tardius fidei nostræ acquiescant, quā quidem edocti sunt cōtraria. Nec hoc dicēdo artiū lectores dānamus vel artes, nam & ipsæ non inutilit⁹ leguntur, ad profundas q̄stiones enodandas, & ptractandas ratiōes. Quippe ipsa est domina

HAYMO DE CHRISTIA.

artiū, & ei cæteræ vt pedissequæ famulantur. Verum quosdam scholasticos non mediocriter reprehendimus, qui libris gentilium tam familiariter adhærent, & totos se immergunt, vt totum pene in eis vitæ suæ & eruditionis cursum consumant. Quàm honestius erat ecclesiasticæ intendere disciplinæ, q̃ rectius & facilius sacræ scripturę libros addiscere? Quibus legendis si darent operam, paucioribus certe temporis spaciis totam in se bibliothecam transfunderent, quàm omnes illas friuolas & pene inutiles scientiolas quibus occupantur. Sed ecce dum nimis Origeni intendimus, & eius occasione hunc facimus excursus cōtra legem compendij, pene cæterorum, qui per idem tempus fuerunt, & verbo & exemplo iuuerūt ecclesiam, obliui sumus. Vnde nunc ad narrationis ordinem reuertamur.

SEVERVS regnat annis xvij.

Caput IIII.

ITaq; Severo imperatore xvij. annis functo imperio, & tunc tradito filio eius, Alexander quidē de quo ante memorauimus, confessionis titulo satis clarus, Hierosolymorū ecclesiæ subrogatur episcopus, cum forte ex gente Cappadocum, vbi erat præclaræ vrbis episcopus, Hierosolymam orandi gratia aduenisset, & omnibus diuino oraculo innotuisset tali voce cælitus emissa, Suscipite episcopū, qui vobis à deo destinatus est. Captus ergo non finitur ad proprium episcopatum reuertere, sed ibidem residere cogitur, cū tamen adhuc superesset prædictus eiusdem loci episcopus Narcissus, sed fessus senio, pontificali ministe-

rio sufficere non potens. Interea Serapion quoq; Antiochiæ episcopus, vir magnæ eruditionis, cuius multa habentur opuscula, defungitur. Cui succedit Asclepiades, & ipse vnus ex præclaro numero confessorū.

107

ANTONINVS regnat septem annis
& sex mensibus. Cap. V.

Sed & Antoninus imperator diem obiit, cui succedit Macrinus. Quo in breui consummato, id est, post annum, successit imperator Antoninus. Cuius primo imperij anno Zephyrinus Romanus pontifex diem obiit, Calisto succedente, Zephyrinus Papa sedit annis octo, quo etiam finem faciente, præfides Urbanus, qui & ipse post octo annos, sedem reliquit Pontiano. Sed & Antonino quatuor annis functo imperio, succedit Alexander.

HAYMO. Cap. VI.

Per idem tempus florēt in ecclesia disertissimi viri, quorum epistolas quas ad se inuicem dabant, tam facundas q̄ fecundas, Alexander venerabilis Hierosolymorum episcopus in bibliotheca Hierosolymorū, quam & ipse multo labore & sumptibus ad posteriorum vtilitatem construxerat, facit diligenter reponi. HAYMO: Agimus gratias tantæ patrum diligentiae, quorum circa sacras scripturas tam feruentissima occupatio, & tam iugis sollicitudo fuit, vt non solum scriberent libros, vel explanarent, sed etiam scripta quorumlibet viroꝝ illustrium diuinit⁹ inspirata, multis laboribus, multis quoq; expensis in opus notariorum sibi coaceruarent, ad profectū vniuersalis ecclesiæ. Hæc ergo mercimonia pretiosa, hic

HAYMO DE CHRISTIA.

uius exitit thesaurus, comparare sibi scripta maiorum, & condere bibliothecam, aggregare libros in arcibus templorum, magis quam nummos in arca. Audiant huius temporis ecclesiasticæ personæ & rubore confundantur, qui à vestigiis patrum tam impudenter & imprudenter recesserunt, quod serui facti sunt ancillarum, ambitionis & pecuniæ. Et qui potuerunt sublimes scripturas indagare fortassis facilius, quam maiores nostri, cum illorum diligentia exemplaribus copiosius abundant, prohpudor nunc ad infima rerum & cõtemptibilia, ad ciuiles causas & loculos conuertuntur. Sed hæc hæctenus. In illis diebus Hippolytus episcopus multorum conditor opusculorum, inter cætera sua libellum de Pascha edidit, in quo etiam temporum Canonem & descriptionem quandã pulchra ratione depingit. BEDA: Hic decennouenalem circulum Paschæ reperiens primus dedit occasionem Eusebio, qui de eodem decennouenali circulo tractatum composuit.

ALEXANDER regnat xix. annis.

Caput VII.

INterea Alexandro imperatore defuncto, Maximinus Cæsar succedit. Iste primus ex militari corpore absq; decreto senatus, impator efficitur. Quidam odio aduersus p̃decessoris sui Alexandri domũ, & matrem eius Mammeam pro eo maxime, q̃ Christiana erat, & Origenem presbyterum, quem Romæ accitum & honorifice habitum ipse audierat, qui tũc non solum Alexandria, sed toto orbe clarus habebatur, infestat. Hac inquam occasione persecutionem

commouet per ecclesias, maxime aduersus doctores ecclesiarum.

MAXIMINVS regnat tribus annis.

Caput VIII.

SEd per dei providentiam in breui cōsummatuſ, ſimul finem vitæ & perſecutionis facit.

POST quem imperat Gordianuſ.

Caput IX.

Pontiano vero Romano pontifice tunc finē faciente, ſuccedit Antheruſ. Qui cum non ampliuſquā mēſe vno miniſtraſſet, ſacerdotium reliquit Fabiano.

BEDA.

Cap. X.

Hic teſtimoniō ſpirituſ ſancti in ſpecie columbæ ſuper caput eiꝯ deſcendente epiſcopuſ ordinatur, quod alij de eo, alij de Zephyrino epiſcopo factuſ fuiſſe tradunt. Per idem tempuſ Africanuſ inter ſcriptoreſ eccleſiaſticuſ nobiliſ habetur. Hic multoſ ſcribit libroſ & epiſtolaſ, inter quoaſ Matthei & Lucæ in generatione Chriſti euidentiffime oſtendit conſonantiā, & Chronicā ipſe cōponit.

GORDIANVS imperat ſex annis.

Caput XI.

Interea Gordiano imperatore finem faciente, Philippuſ cum Philippo filio ſuo ſuccedit. Hic primꝰ omnium imperator Chriſtianuſ fuit. Cui volenti intereſſe vigiliſ Paſchæ, & cōmunicare myſteriis, reſtitit Fabianuſ Papa, nec permiſit donec confiterentꝰ peccata ſua, & ſtaret inter pœnitenteſ. Hic poſt tertiuſ ſui imperij annuſ cum milleſimuſ à conditione

HAYMO DE CHRISTIA.

Romæ annus esset, expletis magnificis ludis celebrat
vrbis natalem.

PHILIPPVS regnat annis septem.

Caput XII.

Post hunc Decius succedit. Hic cum Philippus
patrem & filium interfecisset, & ob odium eorū
infestus esset Christianis, persecutionem mouet
ecclesijs. In qua Fabianus in vrbe Roma martyrio co
ronatur, Cornelio succedente, qui & ipse resoluitur
martyrio. In Hierosolymis quoq; Alexander vir eru
ditissimus, episcopus præclarus, numero confessorū
post lōgeuæ vitæ venerandam canitiem, post mul
tos cruciatus & vincula, inter ipsa vicissim sibi succe
dentia tormēta deficit. BEDA: Tunc sanctus An
tonius monachus Aegypto dicitur exortus. Interea
sub Decio persecutio Christianis illata vehementer
exarsit, & innumerabiles sancti de vtroq; sexu maxi
me apud Alexandriam agones desudant, ita vt crede
res prima persecutionum tempora renouari, de quib
us Dionysius Alexādrinus episcopus in epistolis su
is ad Fabianum episcopum plenissime refert. Qui &
ipse Dionysius postmodū capitis plectitur sentētia.

NOTA viros diuitiarū facile labi à fide.

Caput XIII.

Sed quia in arca domini etiā paleæ erant cum tri
stico, aliquanti tunc ad primam iudicis faciē Chri
stum negant, ad aras prosiliunt, timentes magis
bonorū temporalium direptionem, quàm summum
bonum amantes. De quibus p̄dixerat dominus: quo
niam qui pecuniam amant, haud difficile labuntur.

CORNELIVS: Quo tēpore Nouatus Cypriani
episcopi presbyter exurgit. hic à iuuentute spiritu im-
mundo vexatus cum tempus à domino apud exorci-
stas consumpsisset, ægritudinem incurrit grauem, ita
vt desperaret: vnde & iacens in lecto pro necessitate
aqua peresus est, nec reliqua in eo quæ baptizati cō-
sequi solent, solenniter adimpleta sunt, vnde & spiri-
tum sanctum nūquam potuit promereri. Hic Romā
veniens elatione tumidus, spem salutis penitus etiam
si digne poenituisset nouo dogmate conat lapsis adi-
mere. Ex quo & princeps efficitur hæreticorum No-
uatianorū, qui ab ecclesia separati, nouo nomine ca-
tharos, id est, mundos se appellauerunt. Ob quā rem
concilium sacerdotale celeberrimum in vrbe

Roma congregatur, cuius acta con-
ciliij sequens libellus ex-
plicabit.

AD HAYMONIS EPISCOPI HALBERSTAT.

liber VII. Cap. .I.



Edente itaq; Cornelio pontifice cū
episcopis lx. numero, totidemq; p-
sbyteris & plurimis diaconibus con-
tra Nouatianorum hæresim disser-
tur vigilanter, statuiturq; suffragan-
tib⁹ vtriusq; pagine testimonijs, eos
qui lapsi fuerant, curandos esse, & fomentis poeniten-

riæ medicandos, & Nouatum nihil habentem charitatis fraternæ, cum reliquis sequacibus eius ab ecclesia sequestrari. Extat de his epistola Cornelij ad Fabianum Antiochenum episcopum, & libellus Cypriani magnificentissime editus, quo & lapsos confortat, & contradicentes anathematizat.

DECIVS regnat annis duobus & tribus mensibus. Cap. II.

INterea Decius duobus nec integris annis functus imperio, cum filiis pariter occiditur. Quo tempore fertur etiam obisse Origenem, cum plenus esset dierum, & pene septuagenarius. Tunc Gallus cum Volusiano filio suo obtinet imperium. Cuius cum regnum floreret in initio, & cuncta ei ex sententia cederent, ad exemplum Decij sanctos viros qui pro parte regni eius deo supplicabant, persecutus est, cum quibus & prosperitatem suam & pacem fugauit. Per idē tempus quæstio oritur in Africæ partibus, de hæreticis rebaptizandis vel non, sed Cornelio cæterisque occidentilibus episcopis manet potius hæc sententia, post abiectionem dogmatis, sola eos manus impositione purgandos.

CORNELIVS sedit annis circiter tribus. Cap. III.

IGitur Cornelio per martyrium consummato, Lucius succedit: quo solis mensibus octo functo apostolatu, Stephanus leuatur in antitistē, qui de non rebaptizandis hæreticis similem Cornelio fert sententiam.

Caput. .IIII.

EO tempore Dionysius Alexandriae antistes famosus habetur, qui multa & varia scribens, instructionum nobis & doctrinae copiosam materiam dereliquit. Extat huius ad Stephanū Papam epistola, de multis ecclesiasticis differens causis. Extant & eius literæ, quas contra Sabellianam hæresim persecutus est, quæ suo tēpore exorta est, plena blasphemijs in deum patrem & dominū nostrum Iesum Christum, negans esse verum filium, nec primogenitum omnis creaturæ, simul & spiritus sancti auferens intellectum.

GALLVS imperator regnat duobus annis nec integris. Cap. V.

INterea Gallus imperator moritur, Valeriano succedente cum filio Galieno. Stephanus diem obiit.

XYSTVS episcopus eligitur.

Caput VI.

Valerianus maxime persequitur Christianos, cum tamē primū benignus fuerit & humanus, postmodum vero seductus per quendā magiæ artis magistrū, & principē magorum Aegyptiorum. De huius psecutiōe Dionysius scribit in diuersis operibus suis, in quibus narrat præclara gesta martyrum, & suam ipsius persecutionē meminit, & cuiusdā Asterij inter sanctos martyres clarissimi viri & urbis Romæ senatoris. Accidit hunc aliquñ apud Cæsareā Philippi famosissimo huic spectaculo adesse, quibus ibi certa & solenni die immolabatur victima ad radicē montis, & arte quadā dæmonis nusquā comparēs tolli in cælū agentibus credebatur. Tunc Asterio humanos misc

rante errores, & pro his ad deum valde supplicante.
 subito victima conspectibus omnium redditur, nec
 ultra in locis illis hic extitit error. Huius urbis ciuem
 fuisse aiunt mulierem illam, quæ à saluatore nostro à
 profluuiio sanguinis sanata est, domusq; eius nunc in
 ea ostenditur. Pro foribus eius domus basis quædam
 in loco editiore monstratur, in qua mulieris illius ve
 lut genibus saluatoris prouolutæ palmasq; supplicis
 tendētis imago, ære videt exp̃ssa. Astat vero alia ære
 nihilominus fusa statua, in habitu viri stola capite cir
 cundati, & dexterā mulieri porrigētis. Cuius ad pedē
 statuæ & basis herba q̃dam specie noua nascit: quæ cū
 exorta fuerit, excrecere solet vsq; ad fimbriam stolæ
 illius ærei indumēti, quā cū maxime summo verticē
 herba crescens cōtigerit, vires inde ad depellēdos oēs
 languores morbosq; conquirat, ita vt quæcunque fu
 erit infirmitas corporis, haustu exiguo madefacti gra
 minis depellatur, nihil omnino virium gerens, si ante
 quam fimbriæ summitatem contigerit, decerpatur.
 Hanc statuam ad similitudinem Iesu vultus formatā
 tradebant, quæ permansit vsque ad tempora nostrā
 quam oculis nostris inspeximus. **B E D A:** Hunc er
 go Valerianum dei vindicta statim consequitur. Nā
 à Sapore rege Persarum capitur, ibiq; luminibus orba
 tus, senectute miserabili consenescit. Galienus eius fili
 us postquam summam rerum solus obtinuit, tam cla
 ro dei iudicio territus, moderatius agens persecutio
 nem in nostros cessare facit. Ob meritum tamen vel
 paternæ theomachie, innumera Barbaris assurgenti
 bus regni detrimenta sustinuit. Tunc temporis Cy

RERVM MEMO. LIB. VII.

Præianus Carthaginensis episcopus, cuius doctissima extant opuscula, martyrio coronatur. Stephanus quoque & Xystus, Romæ episcopi, decedunt martyrio.

DE PAVLO Samosateno heretico.

Caput VII.

ITaque post Xystum Romanum pontificem, Dionysius subrogatur, Paulus de Samosata suscepit sacerdotiū. Hic in hæresim deuoluitur, dicens Christum communis naturæ tantummodo hominem fuisse. Tunc celebratur concilium, rogaturque Dionysius adesse, qui senectutis causa prohibetur, sed adest per epistolam. statuitur Paulus in medio, & frequenti tractatū & disputationibus arguitur, confidentibus venerabilibus episcopis, & blasphemiam eius publicantibus. Firmiliano scilicet à Cæsarea Cappadociæ, Heleno Sardeni, Nicoma ab Iconio, & Hymenæo Hierosolymorum præcipuo sacerdote, & vicinæ huic vrbi Cæsareæ Theoteco, Athenodoro & Gregorio Pontici prouinciæ sacerdotibus. Hic autem Gregorius cunctorum sermone celeberrimus habetur & potens in operatione signorum. Hic forte duobus fratribus habentibus possessionem stagni, & de captura piscium sæpe litigantibus vsque ad humani sanguinis effusionem, medius interuenit: & facta oratione cruentam deinceps inhibens fratrum contentionem, aquas abire iubet, & recedunt, fitq; solum frugum quod antea fuerat nauium ferax. Sed & in quodam loco cum ad cōstruendā ecclesiā rupes obesset, pnoctās in oratiōe trāstulit rupē. Itē cū per alpes transiret aliquñ, necessitas

ze niuium coactus, ad fanum diuertit Apollinis, ibiq;
pernoctat. Quo mane recedente, recedit & dæmon:
poscitur dare responsa, vt prius, obmutescit. Consuli-
tur a sacerdote, opponit titulum aduentus Gregorij.
Mox sacerdos occupat viam, perueniensq; ad Grego-
rium, querelam expulsi numinis exponit, quæstumq;
deplorat amissum. At ille scribit epistolam in hæc ver-
ba: Gregorius Apollini: Permitto tibi redire ad locū
ruum & agere quæ consueuisti. Hanc sacerdos ad fa-
num fert epistolam, ponitq; iuxta simulacrum. Ad-
est iter dæmon, iterum dat responsa. Tunc sacerdos
in semetipsum conuersus ait: Quomodo non multo
melior est Gregorius isto Apolline: citius obtempe-
rat iussis. Et deicendens eadem hora ad Gregoriū, re-
ferensq; epistolam, rem ordine pandit, vtrq; se offerat
deo rogat. Tunc relicta gentilitate factus est ab eo ca-
techuminus, & cum se castissimæ virg & abstinentissi-
mæ mancipasset, etiā baptisma consequitur, & intm
fide & virtute, pficit, q; beati Gregorij successor in epi-
scopatu efficitur, sed & inde Gregorius ingenij sui no-
bis in paruo maxima monumenta dereliquit.

NOTA metaphrasim Gregorij
martiris & episcopi Neo-
cæsariæ. Cap. VIII.

IN Ecclesiasten namq; metaphrasim scribit magni-
ficentissime, & catholicæ fidei expositionē breui-
ter ita continentē. Vnus deus pater verbi viuēris,
sapientiæ subsistēris, & virtutis suæ & figuræ, pfectus
pfecti genitor, pater filij vnigeniti, vnus deus solus ex
solo deo, figura & imago deitatis, verbū penetrās, sa-

piencia cōprehendens omnia, & virtus qua tota crea-
tura fieri potuit. Filius verus veri, & inuisibilis ex inui-
sibili, & incorruptibilis ex incorruptibili, & immorta-
lis ex immortalī, & sempitern⁹ ex sempiterno. Vnus
spiritus sanctus ex deo substantiam habens, & qui p
filiū apparuit imago filij perfecti perfecta, viuētibus
causa sanctitatis, sanctificationis praeatrix, per quē
deus super omnia & in om̄ibus cognoscitur, & filius
per quē omnia. Et trinitas ista perfecta maiestate &
sempiternitate & regno minime diuiditur, neq; abali-
enatur. Igit̄ neq; factū quid aut seruēs in trinitate, ne-
que superinductū tanquam antehac quidē non sub-
sistens postea vero superingressum. Neq; ita defuit
vnuquā hlius patri, neq; filio spiritus sanctus, sed incō-
ueribilis, incōmutabilis eadē trinitas semper. Hac-
tenus de Gregorio

GALIENVS Imperator regnat
annis xv. Caput IX.

INterea Dionysius apud Alexandriā in pace eccle-
siastica diem obiit, decē & octo annis functus sa-
cerdotio, Maximus succedit.

CLAVDIVS regnat annis duobus. Ca. X.

GAlienus q̄q moriēs Claudiū habet successorē,
q̄ in breui morit̄, Aureliano succedēte. Cuius
temporibus cōgregato apud Antiochiam cō-
cilio, Paulus Samosatenus vltima animaduersione
damnatur, disputātē cum eo Malchione quodā per-
fectae eruditionis viro, excipientibusq; notariis. Quae
disputatio ita magnifice ab eo & accuratē habita est,
vt nunc quoque legentibus sit in admiratione. Itaq;

HAYMO DE CHRISTIA, 7

Secundo iam manifeste Paulus hæreticus cōfutatus, datis epistolis Dionysio, Romano pontifici, & Maximo Alexandrino, cuius hæresis & damnatio innotescit & mores. Qualiter filium dei negaret descendisse de celo, sed à Maria cōpisse assereret, & initium habuisse de terra. Qualiter etiam psalmos qui in dominum nostrum Iesum Christum dicebantur, cessare fecisset, velut neotericos, & nuper inuentos. Per semetipsum vero compositos, diebus Paschæ in medio ecclesiæ canere fecisset mulieres, quas ipse (horrendum auditu) de se instituerat. Qualiter etiam incedens per plateam, tali quadam ambitione vteretur, vt publice epistolas relegeret, atq; in auditu omnium & oculis dictaret, assistentibus sibi in platea notariis, quanquā superbe etiam tribunal in ecclesia sibi, multo altius quā fuerat, collocasset, & verbū faciens iactaret supra modum dexteram, ac palmam femori illideret, pede quoque subsultaret, & scabellū feriret, & more theatri ab auditoribus voces clamorosas & plausum expeteret. Maxime impudenter etiam mulieres secum habitare permisisset, & presbyteris & diaconis, qui eius morē gerebant, similem dedisset licentiam. VIIII. 10

Caput XI.

Igitur damnato & expulso ab ecclesia cū exire nō let, publica manu ex mādato Aureliani imperatoris, Dominus noīe in ecclesia Antiochena succēdit ep̄s. Interea malis cōsiliis deprauatus Aurelianus, p̄secutionē meditat̄ in n̄ros, eūq; vt scriptis literis v̄lētī subscribere, dexterā dei interuenerit, & subscriptio nē deturbauerit, fulmen quoq; ante eum magno pa-

more circumstantium ruerit, ac non multo post morte subita condemnatur.

AURELIANVS regnat annis sex.

Caput XII.

CVI Probus succedit, cui & totidē annis consummato, Gaius cum filiis Numeriano & Carino succedit. Quibus in breui consummatis, regnat Diocletianus, sed paulo ante imperium eius Dionysius Romanus pontifex obiit.

DIONYSIVS PAPA SEDIT AN-

nis nouem. Gaius cum filiis regnat

duobus annis nec integris.

Cap. XIII.

BEatus quoq; qui tunc meruit rapi de mūdo, ne videret mala quæ iste Diocletianus mox intulit ecclesijs vltra q̄ credi potest. Tunc apostolatus succedit Felix, quo tempore Manes magus quidā, secundū nomen suū insaniens, Perles genere, à quo & Manichæorum hæresis, nouam sectam facit, & dogmata quædam profert, à diuersis mutuata hereticis, & nunc Christum se simulat, nunc paracletum se nominat. Et elegit duodecim ad similitudinem Christi discipulos.

FELIX Papa sedit annis sex.

Caput XIII.

IGitur Felice Papa cōsummato, Euthicianus succedit: quo in breui cōsummato, Gaius episcopus eligitur. Hic iam tempore Eusebij xv. annis sacerdotio perfunctus, Marcellum relinquit successorē, quæ iam tempus persecutionis inuenit.

LIB. VII.
HAYMONIS
EPISCOPI HALBERSTAT.
liber octauus.

EVTHICIANVS SEDIT
quinque annis. Cap. II.



Nterea nonusdecimus annus e-
rat imperij Diocletiani, & inci-
pit fieri persecutio in Chrianos
ab eo per maxima. Iusto siquidē
dei iudicio, & necessaria corre-
ctiōe cum iam multa libertate
multa indulgentia vitiatī sunt
mores nostrorū, & disciplina ecclesiarū corrupta, dū
fides nr̄a p̄ diūersa dogmata scindit̄, & ob id vilescit,
dum praelati & rectores & duces populi humilitatis
Christianę & synecritatis oblitī, aduersum se odiū &
cōtentionibus inflāmantur; tunc ergo nefanda edi-
cta principis, pponunt, vt cūctę ecclesię vsq; ad solū
destruant, sacrę scripturę cōburantur igne: & si qs no-
strorū stat in honore priuatus eo manet infamis. De-
niq; qui p̄sunt, iubentur simulacris immolare, alioqñ
cōiici in vincula ac torq̄ri. Igit̄ in Nicōmedia & The-
baide & Phœnice & Alexādria, deniq; per totā Aegy-
ptū & Phrygiā & Syriā & Cappadōciā, & cetera vñ-
diq; loca turbo p̄secutiōis tam immēsus & intolerabi-
lis fuit, vt ex ipsa nimietate & atrocitate gestis marty-
rū deroget fidē. Alij flagris discerpuntur, alii fodiuntur
vngulis, alii flāmis ignis vruntur, alii gladio obtun-

catur, alij patibulis affigunt, alij precipitantur in mare, alij post tergum vinctis manibus appenduntur, & trocleis distenti membratim diuelluntur, alij testis fictiliū vasculorum lacerantur, donec tota eorum eradatur cutis, alii dantur ad bestias, leones, vrsos, pardos, tauros, apros & ad omne ferarum genus. Ipsi sacerdotes ecclesiæ nudantur inuerecunde, huc atque illuc ab impiis trahunt. Prohnephas, quæ homicidis, adulteris, venenariis, ac sepulchrorum violatoribus fuerant fabricata, nunc episcoporum, presbyterorum, diaconorum, cæterorumque religiosorum colla cōstringunt, ita vt criminosis nec vincula superessent, nec locus ergastuli. Tanta ergo scelerati principis satellitibus inerat libido torquendi, vt vacarent per otium ad excogitandos novos cruciatus. Quibusdā sub vnguibus acutas infigunt harūdines, quibusdā plumbū igne liquefactū dorso diffundunt, vsque ad loca pudenda, quibus egestio naturalis, pœrari solet. Fœminisq; candentis ferri & exusti plumbi massæ, absque vlllo humanitatis respectu, per pudenda visceribus merguntur. Et si tortores alicubi duas vicinas arbores sibi inueniebāt, ramos ad se inflectebāt, eisq; singulis singulos martyrum pedes ligabant, qui rami cum ad situm suū naturali impetu referrentur, discerptis diuulsisque visceribus, auulsa secum membra rapiebant. Tunc apud Antiochiā inter cæteros agones, quoddam nobile factū est, quod filere nō debet. Duo iuuenes cōprehenso immolare coguntur. Aiunt: ducite nos ad aras. Qui cum abducti fuissent, manus suas supponentes igni. Si subtraxerimus, inquiunt, sacrificasse nos credite. Et quoadusque caro omnis in

ignē deflueret, immobiliter perdurāt. Itaq; cum iam crudelitate satius imperator aliquantulū rēspiceret, proponit edictum, vt iam Christiani morti non tradantur, sed dextris oculis ferro effosis, & sinistra pollice fauciata sic permaneant. Sed cum statum ecclesiæ crudeli animaduersione vastari illum æternū ac peruigilem non lateret oculum, castigata in paucis familia sua, adest cōtinuo vltix dei dextera in imperatores Diocletianū & Maximinū, quorum alter in occidente, alter in oriente vastauerat ecclesiā, ita vt nutu diuino subito permutati, deposita purpura, ceterisq; imperialibus ornamētis plebeij fiant ac priuari post imperiū. Tunc ergo iam per vim & contentiōē Romano imperio in duas procurationes diuiso, Maximinus in orientis partibus regnat, vi rapiens nomen Augusti, Cōstantius in occidente. Hic Cōstantius erga nostros clementer agit. Sed & Maxentius Maximini Herculei filius, collegæ Diocletiani in vrbe Roma dominiū occupat, & exercet tyrannidē. Hic magicam secutus artem, totam Romam scelerū flagitiis & fece impuritatis replet, gloriam nobilium obscurat, senatores proscribit, matronis nobilibus abutitur.

REGNUM Constantij & Maximini.
Caput .II.

IN orientis vero atq; Aegypti partibus similis est ei per omnia Maximinus, exutus principē, rabidū induit tyrannum, simulacra colit, auguria sectat, impurus cōuiuia & ebriosus, omīq; genere dissolutionū fluctuans, hostis maxime Christianorū & persecutor.

Quibus ignes, laminas, cruces, & singulis mēbris specialia infert supplicia. Igitur decem annis huius persecutionis deuolutis, adest iterum diuina providentia nostris, & quos per ignem probauerat, educit ad refrigerium. Nam diuina correptus ultione idem Maximinus, subito inflatus vīceribus distēditur, putrefactisq; postmodum vulneribus vermes ebullit, foetoremque intolerabilem exhalat.

H A Y M O.

Caput III.

R Ediuuium quodāmodo per similem morbum habemus nunc Herodem. Ille quia Christum persequit, pubetenus inflatus scatet vermibus: & iste probroso eodem laborat exitu, quia psequitur Christianos. Actū siquidē pulchro diuinę cōsiderationis intuitu, ut daretur intelligi, quāta sit capitis & mēbroꝝ connexio, quāta & quāam indiuisa sit Chri charitas, zelus ad ecclesiā, dum eādē infert vindictam persecutoribus suorū, quam sui ipsius persecutori. Itaque cum iam desperaretur à medicis, sera ductus poenitentia Maximinus, legem scribit, ut cesset persecutio Christianorū, & reedificentur ecclesię. Tunc velut sole terris reddito, relaxantur omnes vincti: & qui damnati erant per metalla, reuehuntur, instaurantur ecclesię, sacerdotia reparantur, stupentibus gentilibus turmis de tanta & tam subita rerum mutatione. Sed hanc pacem redditam nostris, Seuerus Maximinus præfati Maximini collega, in orientis partibus atq; Aegypto tyrannidem exercens, statim post sex menses perturbat. Rursum aduersus nostros persecutio

HAYMO DE CHRISTIA.

instauratur, concitantur simulacrorum pontifices in
 odia & necem Christianorū. Quod ut aliqua iusta ra-
 tione videatur fieri, confinguntur acta quędam velut
 apud Pilatum de saluatore nostro habita, in quibus
 aduersus Christum omnis blasphemia conscribitur.
 Tūc rursus apud Tyrum & Phœnicē multi martyres
 agonizant, & per multa alia loca. Addit quoq; pręfa-
 tus Seuerus Maximinus impietati suę, q̃ aduersum
 nostros leges æreis tabulis scribit, tanquam in æternū
 mansuras, in quibus impie & superbe commemorat,
 quod ex Christianorū persecutione esset temperies, &
 terrę fecunditas abundantior. Sed his superbis legi-
 bus statim contradicitur a deo, & res vertuntur in cō-
 trarium, & pro ipsa nostrorū persecutione mox re-
 stricto imbribus cælo, & facta intolerabili ariditate,
 fames ibi dira grassatur, æris quoque temperies in tā
 tam vertitur corruptionē, ut humana corpora pesti-
 mis vlceribus intumescant, quę ignis sacer appellan-
 tur. Igitur duę validissimę pestes & lues populum
 deuastant, cum tamen (quod mirabile) nec fames in
 aliquo, nec lues nostris dominaretur. Vnde postmo-
 dum ab omnibus Christiana religio vera & perfecta
 esse inelamatur, petiturq; a nostris subsidium alimo-
 nię & orationis. Addit quoq; deus Maximino hanc
 iusta retributione confusionem, rebellant & Armeni
 prius amici Romanorum, propter nefaria eius di-
 cta. Quorum in bello & ipse turpiter fugatur, & exer-
 citus interijt ense. Tunc sacerdotes deorum suorum
 & diuinos, quorum responsis bella mouerat, interfici
 iubet tanquam fallaces, qui & demum vehementi æ-

RERVM MEMO. LIB. VIII.

gritudine & doloribus internorum viscerum correptus, amissis quoque morbo luminibus, & tunc magis quid aduersus Christum commiserit videns, viuendi finem facit, lata prius lege pro liberatione Christianorum.

DE CONSTANTINO imperatore.

Caput IIII.

Per idem tempus exoritur Constantinus religiosissimus imperator, Constantij æque moderatissimi principis, de quo Paulo ante memorauimus, filius & hæres, Romanum obtrinet imperium. Hic in obseruantia religionis omnes ante se imperatores exuperat. Hic vltimis persecutionum temporibus fere, cum vellet deus repropitiari sanctis suis, & ecclesiam suam tranquilla pacis soliditate stabilire, Christianus effectus, licentiã dat Christianis cõcilia libere cõgregare, & ædificare ecclesias, quas & ipse plurimas cõstituerat, & plurima largitur, diuino cõmonitus spiritu, & hoc cælesti miraculo: Cum esset pugnaturus cõtra Maxentium vrbis Romę tyrannum, & inde diuinum auxilium deprecaretur, vidit nocte per soporem signum igneum in cælo, & astare angelum dicentem: Cõstantine, in hoc signo vinces. Itaq; cū hoc signo in miliaria vexilla transformato procedit ad bellum, idemq; signum ex auro fabrefactum dextera manu sua gestans, & deprecans deum, vt si fieri posset, illam dexteram suã nō sineret Romano sanguine maculari præstatq; ei deus, Maxentiumq; tyrannum cõgredi parantē, cum vniuersis nauib; quibus fluuiũ strauerat, demergit in profundũ. Tunc Senatus populusq; Ro-

HAYMO DE CHRISTIA.

manus tyrannica peste liberati, Constantinum vt suę libertatis restitutorē excipiunt, faciuntq; ei imaginem ob honorem triumphi. In cuius dextera idem imperator signū crucis depingi iubet, & subter ascribi huius virtute urbem restitutam esse libertati. Tunc legem scribit, conspirante etiam secum in hoc Licinio, sororis suę Constantiæ viro & consorte regni, vt ab vniuersis colatur deus Christianorum, qui sibi victoriā dedit & vrbi libertatem. Quam legem & vsque ad orientis partes emittit, vbi adhuc ferbuerat persecutio. Tunc apertus indulgentia legitimi principis manifeste status ecclesiarum, reparari incipit verbum, & doctrina Christi libere propagatur, celebrantur festiuitates, conueniunt episcopi, ecclesię dedicantur, persecutores quoque per quos Maximinus impietatis fomēta conceperat, iubente principe, supplicijs excruciantur: ipsius vero tyranni imagines sculptæ vel pictæ precipitari iubentur, vel atro fuscari, aut coloribus obliterari. Dum ergo sic proficit ecclesia apud deum & homines, & quasi quædam imago cælestium habetur in terris, præfatus Licinius Augusto inuidens Constantino, quod ob maximam religionem in veneratione esset omnibus, & maxime Christianis, occultas insidias molitur. Sed carens effectū, mox apertum bellum indicit, Christianos versa vice persequitur, & noua & inaudita crudelitate, missis in carcerem cibum & potum interdicit: nolentēque sacrificare nouis ac monstruosis excrucias supplicijs, tradit lanionibus, vt porcorum more suspensos & caudicibus superpositos, cedant in frusta, & in mare ad pabulum piscibus pro-

hijant. Missos vero in exilium legitimis vxoribus spo-
 liat, ac suis satellitibus iungit. Iam vero ecclesias fide-
 lium, quas prius extrui præceperat, subuertit. Deniq; 112
 tanta eius tyrannide motus Constantinus, ire obui-
 am parat, nec difficultas sit victoriæ. vbi & causa iusti
 or & virtus eminentior extat. Deiectoq; tyranno,
 Licinio, soliditatem Romani imperij solus obtinet cū
 filijs, ecclesiarum statu incredibili diligentia restituro:
 quas deinceps sumptibus, priuilegijs, honoribus am-
 pliare & sublimare procurat. Hucusque Eusebius Cæ-
 sariensis. reliqua Rufinus prosequitur.

✠ D. HAYMONIS ✠

EPISCOPI HALBERSTAT-

tensis liber IX.

Caput .I.



Ed his temporibus commoda pace
 & quiete ecclesijs reddita, alius perse-
 cutionis turbo inuehit. Etenim Arri-
 us quidam Alexandriæ presbyter pra-
 ua quædam dogmatizat, & ab illa æ-
 terna & ineffabili dei patris substan-
 tia vel natura filiū conat̃ abscindere, dicēs: Nō semper
 deus pater fuit, non semper fuit dei verbum, sed fuit
 qñ deus pater non fuit. dei autem verbū ex non ex-
 istētibus factū est. existense m̃si existentē ex non ex-
 istēte fecit, quapropter fuit aliqñ, qñ nō fuit. creaturā
 tm̃ & factura est filius, neque similis est patri secūdum
 substantiā, neq; verus est, neq; vera sapientia eius est,

neque verum naturaliter eius verbum est, sed vnus
quidem creaturarum & facturarum est. Abusiue autē
dicitur verbum & sapientia, factus & ipse existens in
proprio dei verbo, & in dei sapientia, in qua omnia, &
ipsum fecit deus. Vnde conuertibilis est & mutabilis
per naturam, sicut & vniuersa rationalia. Peregrinum
enim & extraneum & remotum est verbum à pater-
na substantia, & inuisibilis filio pater. Non enim per-
fecte & integre nouit filius patrem. neque enim perfe-
cte videre potest. nam nec suam substantiam nouit fi-
lius sicut est. Propter nos enim factus est, vt nos per
eum, tanquam per mysterium crearet deus, & nequa-
quam substitisset, nisi nos deus facere voluisset. Non
ergo naturaliter est dei filius, nec aliquam habet ad de-
um proprietatem, quando non ipsum naturæ muta-
bilis existentem propter moderationem diligens est,
& virtutem non mutatam ad deterius elegit, cum & si
Paulus & Petrus ad hoc puenissent, nihil posset ab eo-
rum filiatione differre. Hic ergo Arrij blasphemus er-
ror ecclesiam conturbat, quæstio latius innotescit.
quam Alexander Alexandrinus episcopus persequens
Arrium zelo fidei innotescere facit. Sermo peruenit
vsque ad principem Constantinum, tunc ille ex sen-
tentia sacerdotum apud urbem Niceam conuocat e-
piscopale concilium, ibique trecentis decem & octo
episcopis residentibus, cæterisque honorabilibus p-
sonis Philosophis ac dialecticis, & opinatissimis qui-
buscunq; scholasticis Arrium, adesse iubet, ac de eius
propositionibus & quæstionibus iudicari.

EX vtraq; historia permutatum.

Caput II.

TVnc de fide ibidem subtiliter differitur, errorq; Arrij cōdemnatur manifestis scripturaz dictio-118
nibus, quia & deo filius naturaliter vnigenitus est verbum, virtus, sapientia solius patris, & deus verus, sicut Iohannes ait, splendor glorię, & figura substantię patris. Verū post diuturnū multumq; tractatum, placet om̃ibus *μὴ οὐκ* scribi debere, id est, eiusdem cum patre substantię filium confiteri. Defertur ad Constantinū sacerdotalis concilij sentētia, quam ille vt à deo prolatam veneratur, & cōtradicientibus comminatur exilium. Exemplum autē sententię vel Nicenę fidei est huiusmodi.

Caput III.

CRedimus in vnum deum patrem omnīpotentem omnium visibiliū & inuisibiliū, & in vnū dñm Iesum Christum, filium dei, natum ex patre, vnigenitum, hoc est, ex substantia patris, deum ex deo, lumen ex lumine, deum verum ex deo vero, natum non factum, *μὴ οὐκ*, hoc est, eiusdē cum patre substantię, per quē om̃ia facta sunt, quę in cælo, & q̃ in terris, qui propter nos homines & propter nostrā salutē de cælis descendit, & incarnatus est, hoc ē, factus. Passus est, & resurrexit tertia die, & ascendit in cælos, inde venturus iudicare viuos & mortuos. Dicentes autē, erat aliquñ, non erat antequā nasceretur, vel nō erat antequā fieret. Aut quia ex non extrantibus factus est, aut ex alia substantia, vel ex subsistentia, dicēs etiā aut conuerubilem, aut mutabilem filium dei,

F

hos anathematizat catholica ecclesia apostolica.
 Hanc venerabilē fidem trecenti decē & octo episcopi
 amplexi sunt, inter quos maior adhuc erat numerus
 cōfessorum Christi & martyrum. Nam & Iacobus
 quidā Antiochiæ Migdoniæ, qui mortuos resuscita-
 uit, viuos curauit, & alia multa operatus est miracula
 Paulus quoq; Neocæsariæ castri positi iuxta Euphra-
 tem, qui ambas manus habuerat ligatas, ignitoq; fer-
 ro cōbustas, rabie Licinij, Pamitius quoq; Aegyptius
 ex eorum numero quos Maximianus dextris oculis ef-
 fossis, & sinistro pollice succiso, per metalla damnaue-
 rat, aderant ibi. Sed & Spiridion Cyprius episcopus,
 ex eorum numero dicitur fuisse, vir vnus ex ordine
 prophetarum, qui pastor ouium in episcopatu permā-
 sit. Cuius hoc fertur factum in signe, & omnibus se-
 culis admirandum: Filiam habuit, quæ cum ei bene
 administrasset, virgo defuncta est. Post obitum eius
 venit quidam dicēs, se ei depositum cōmendasse. rem
 gestam ignouerat pater. perquisitum in tota domo
 quod poscebatur, nusquā inuentum est. Persistebat il-
 le qui cōmēdauerat, & fletu & lachrymis purgebat, cō-
 minans etiam sibi mortem, nisi depositum reciperet.
 Permotus lachrymis eius senex, ad sepulchrum filię
 properat, atq; illam nomine clamat suo. Tūc illa de
 sepulchro, quid vis (ait) pater? Commendatum, in-
 qt, illi? vbi posuisti? At illa locū designās, illic (ait) inue-
 nies defossū. Regressus domum suam, depositum
 vbi filia de sepulchro responderat repertum, tradit re-
 poscēti. Sed & multa eius referunt alia gesta. Hi & hu-
 iusmodi reuerendissimi viri sederunt apud Niceam.

HAYMO: Vnde indubitanter credimus, prædicta
 ibidem synodum à spiritu sancto quadam diuinitus
 consideratione congregatam fuisse, vt scilicet nobis
 posterioribus ac diurnis vel modernis daretur intelli
 gi, firmum esse ac catholicum quicquid ibi de myste- 119
 rio fidei promulgatū est. Quod quidem tam diuini,
 tamq̃ spirituales viri locuti sunt, qui non erant simi-
 les nobis indignis & peccatoribus, qui propter iniu-
 stitiam nostram in scripturis sanctis fallere possumus
 & falli. Neque em̃ poruit spiritus sanctus fallaciā p-
 ferre, per quos tanta & talia operabatur miracula.
 Igitur domino cooperante, & sermonem confirman-
 te eorum sequentibus signis, quidam episcopi etiam
 in ipsa synodo, & circa synodum, virtutes aliquas &
 signa fecerunt. Nam cum ibi philosophus quidam in
 arte dialectica insignis, obiectis quæstionib⁹ fidei no-
 stræ occurreret, nec ab aliquo posset cōcludi, quidā ex
 confessoribus simplicissimę naturæ vir, & nihil aliud
 sciens, nisi Christum Iesum & hūc crucifixum, paucis
 philosopho insultanti concreditur, expositaq̃ simpli-
 citate fidei quadam eum ineffabili pietate mox per-
 mutat & efficit Christianum. Et tunc ostensum est
 philosopho, quia regnum dei non in sermone, sed in
 virtute consistit.

EX tripartita historia, actum Cōstantinopoli.

Caput IIII.

SEd & Alexander Cōstantinopolitanus, vir ad-
 mirandę cōuersationis, cū quidā philophi causa-
 rentur aduersus imperatorē, q̃ nouā in republi-
 ca introduceret culturā, & ipsi Alexandro opponere

HAYMO DE CHRISTIA.

vellent de dogmate, in nomine Christi operatur virtutem, imperatq; maximo eorum philosopho tanta spiritus virtute ne loquatur, vt vna cum eis sermone os illius penitus obstructum sit. Sed iam ad historiam reuertamur. Dictata Nicena fide, & tam ab ipso Imperatore quam ab episcopis communicata, Eusebius Nicomedie præsul cum reliquis quatuor episcopis, magis fauentes Arrio, nolunt subscribere verbū consubstantialitatis, reprehendentes, dicētesq; consubstantialiale esse, quod ex aliquo est, aut ex partitione, aut de cisione, aut plantatione. Ex plantatione quidem, sicut ex radice germen: ex decisione vero, vt ex patre filius: ex partitione aut, sicut ex massa aurea anuli aurei duo vel tres. sed secundū nullum horū, inquiūt, est filius dei consubstantialis patri, ppter ea ergo in fide cōsubstantialitatis consentiendum non est. Hos igitur damnat vniuersalis synodus cum imperatore, & relegat exilio cum Arrio & sectatoribus eius. Per idem tempus crux dñi ab Helena Constantini matre religiosa foramina reperitur, vbi quōdam antiqui psecutores in loco sepulchri simulacrum Veneris collocauerāt, vt si quis ibi Christum vellet adorare, Venerem poti⁹ adorare videretur. Inuenitur & ille titulus a Pilato conscriptus, sed & aliæ duæ cruces. Tribus igitur crucibus repertis, Macharius eiusdem loci episcopus, defixis in terra genibus, cum regina deū suppliciter deprecatur, vt quæ illarum crux ad dominicā gloriam fuerit innotescat. Tunc adhibitis duabus semineci cuiusdā matronæ corpori, nihil operatur, adhibet tertiam, & mox exurgens mulier, magnificat deum. Percepto

itaq; euidenti indicio, regina templum mirificū in eo loco, vbi crucem repererat, statuit. clauos quoq; quibus corpus dominicum fuerat affixum, portat ad filiū. Ex quibus ille frenos & galeam aptat ad vsum belli, adimplens Zachariæ prophetiam, dicentis: Et erint quod in freno est, sanctum dño omnipotenti. Ligni vero salutaris partē defert filio, partē sibi reponit.

SOZOMENVS in tripartita historia.

Caput V.

DE hoc ligno Sibylla dixit apud Paganos: O ter beatum lignum, in quo deus affixus est. Præterea p̄dicti imperatoris mater octogesimo ætatis sue anno decessit, multa filio pietatis mandata derelinquens. Quæ mox ille postponens, seductus à sorore sua Constantia, & multis precibus ab ea interpellatus, Arrium de exilio reuocari iubet, & mitti ad episcopos, qui tunc forte Hierosolymis ad dedicationem ecclesiæ conuenerant, fidemq; eius probari. Tūc ille fidem scripsit, quæ quidē sensum nostrum & verba nostra professionemq; nostrā cōtinere videretur.

SOCRATE Sex tripartita historia.

Caput VI.

Imperator aut̄ adhuc de Arrio experiri volēs, eum reuocat ad palatium. Qui percontat̄ de fide Nicæna, sicte subscribit, & præstat iuramentum, quodammodo iusiurandum arte deludens. ferturq; scriptam sectam suam habuisse in charta, quā sub ala ferebat. vnde vere iurare se credidit, dicens se sic sapere sicut scripsisset. Credens ergo imperator, suscipi eum ab Alexandro Constantinopolitano episcopo in cō

HAYMO DE CHRISTIA.

munitionem iubet. Quo renuente adhuc propter infamiam, & suspicionem hæresis deuitante, iubet Constantinopolim synodum congregari. Ante vero unum concilij diem constitutum, prosternens se Alexander sub altare, tota nocte clamat ad dominum, dicens: Iudica domine infame Eusebij minas & Arrij iuramentum. Quo valde supplicante, presumptionem Arrij & iuramentum medax mox vindicta dei persequitur. Etenim cum in crastinum matutinum, ad ecclesiam properaret, episcoporum & populorum frequentia constipatus, humane necessitatis causa ad secessum declinat, ibique cum sederet, intestina eius atque omnia viscera in secessum cuniculorum defluxere. Tunc Eusebius Nicomediæ cum cæteris Arrianis confunditur, nec propter causam Arrianum dogma confunditur, sed ad tempus occultatur.

Caput VII.

INterea Constantinus imperator cum in Nicomedia degeret languore grauatus, in extremis baptizatur. Distulerat enim usque ad illud tempus, in Iordane hoc promereri desiderans. Qui condito testamento, & tribus filij heredibus constitutis, primo scilicet Constantino in Hesperia, secundo vero scilicet Constantino in oriente, iunior scilicet Constante Cæsare ordinato, & in partibus occidentis post quinquagesimum quintum ætatis suæ annum, viuendi finem facit, reuocato prius Magno Athanasio in Alexandriam, propter persecutionem Arrianorum exulante. Igitur Christianissimo imperatore defuncto, Arrianum iterum dogma repullulat. Constantius imperator seductus ab hæreticis in eundem errorem deuoluitur, & Ma-

gnū Athanasīū veritatem edocentē, condemnat. In cuius persecutione postmodū grauiſ conspirantibus hereticis & multa crimina intēdentibus, vniuersus orbis cōiurauit, & cōmoti sunt principes terræ, gentes, regna, exercitus coierūt aduersus eū. In cuius damnatione cum apud Mediolanū cōgregati subscribere cogerentur episcopi, quibusdā cor- deceptis, Pictauiensis minime cōsentit Hilarius. Vnde & cum quibusdā alijs episcopis traditur exilio. Inde apud Ariminū synodus ab hæreticis congregatur, ibi *ἐμὸν σίον*, quasi ignotū sermonem, & à scripturis alienū à fidei expositione decernūt, firmātes sibi sermonē neq̃ & dicētes, soli Chro oportere credi, & nō *ἐμὸν σίον* confirmare.

Caput VIII.

INterea Liberius Papa tradit in exiliū, & Felix diaconus eius in loco eius subrogatur ab hæreticis. Hierosolymis Cyrillus Maximo in episcopatu succedit, aliqñ in fide varians, aliqñ in communione.

PER idem tempus Constantius imperator viuendi finem facit, Iulianus vero succedit in regnum, bono vsus principio & malo fine. Nam primo clericus & philosophus insignis, postmodū ad idolā conuertitur. Et primo quidē pacificus relaxat episcopos de exilijs, & benigne agit aduersus nostros. Deinde persequitur, & infert supplicia. Hic in odium Christi Iudæis permittit reparare templū Hierosolymis, qui ex omnibus prouincijs collecti, noua templi fundamenta iaciunt, quæ subito terremoto corruūt diuinitus, saxa ingēribus longe lateq̃ dispersis. Et ne hoc casu crederetur factum, sequenti nocte in vestimen-

HAYMO DE CHRISTIA.

tis cunctos crucis apparuit signū. Quo attoniti miraculo, plurimi Christo crediderunt. Hic etiā Iulianus ad cumulum nequitie summe contra deum, insigne Christi simulacrum, quod apud Cæsaream mulier a sanguinis liberata profluuiο collocauerat, satis impudēter deponit, suamq; eodem loco collocat imaginē, quæ igne de cælo cadente postmodū fulminata est, caput cum ceruice vna in terra est deiectum. Reliqua pars hætenus ad iudiciū fulminis reseruatur. Tunc vero Pagani imaginē Chri cōfregerunt, quā postmodū Christiani recolligentes, recōdiderunt in ecclesiā.

EX CONCILIO apud Alexandriā.

Caput IX.

IN terea cōgregatis apud Alexandriam paucis numero confessoribus, licet fidei merito multis, ad sedandas hæreticorū procellas tractatur, quibusdam eorum ad rigorem ecclesiæ dicentibus: non debere eos recipi in sacerdotium qui se vtrūq; contagione hæretica maculauerunt, alijs vero ad cōpassionem promulgantibus, non debere negari aditum ab iurato errore perfidię redeuntibus. Additur quoq; in illo concilij decreto, plenior de spiritu sancto disputatio, vt eiusdem substantiæ ac deitatis cuius pater & filius crederetur, nec quicquam prorsus in trinitate aut creatum, aut inferius, posteriusve diceretur, sed de differentia substantiarū & subsistentiarum sermo eis p scripturas motus est, quas Græci vsias & hypostases vocant. Quidam dicebant substantiā & subsistentiā vnū videri, quia tres substantias non dicimus in deo, nec tres subsistentias dicere debeamus. Alij vero qui-

bus lōge aliud substātia quā subfistētia videbat, dicebant, quia substantia ipsa rei alicuius naturā rationemq; qua cōstet, designet: subfistētia aut vnius cuiusque personæ, hoc ipsum qd extat & subsistit, ostēdat.

HAERESIS Sabellij breuiter adnota-

tata.

Cap.

X.

IDeoq; propter Sabellij hæresim confundentis personas & dicentis, quia idem deus quando vult, pater est, quando vult, filius est, quādo vult, spiritus sanctus, tres subsistentias esse cōfitendas, quod quasi tres subsistentes personas signare viderētur, ne suspicionem daremus tanquā illius fidei sectatores, qui trinitatē in nominibus tantū, & non in rebus ac subsistētiis confitentur. Sed de incarnatione dñi comprehensum est, quia corpus quod suscepit dñs, nō sine sensu, neq; sine anima suscepisset. Quibus caute moderatēq; compositis, soluto concilio, Eusebius vir illustris potens in verbo doctrinæ, orientem circuit atq; Italiam: & illius circunferens decreta, singulās quasq; ecclesias ad sanitatem rectæ fidei reuocat, idem moliente Pictauiensi episcopo Hilario, viro naturaliter erudito, & commodissimo ad persuadēdum, cuius multa extant opuscula & libri de fide nobiliter editi, contra versutias hæreticorum. Interea Iulianus imperator contra Persas pugnaturus litat Apollini, poscens responsa, nec suscipit. Percontati dæmones de causa silentij, aiunt, sepulchrum Babilæ martyris prope positum impedire. Tunc ille venire Galilæos (hoc enim nomine nostros solitos erat appellare) & auferre sepulchrum martyris iubet. Conueniuntq; nostri psal-

HAYMO DE CHRISTIA.

lentes cum exultatione illud Psalmistæ in auribus p-
fani principis: Confundantur omnes, qui adorant scul-
ptilia, & qui confidunt in simulacris suis. Vnde ille ad
iracundiam promotus, Christianos in carcerat & in-
fert martyria, cōminatus maiora tormenta post belli
victoriam. Hoco cogitante, res vertitur in contrari-
um. nam profectus quidem est, sed reditus nullus fu-
it. ibiq; incerto suorum aut hostium iaculo confodit.
Fertur autem quia dum fuisset vulneratus, mox san-
guine suo compleuerit manum, & in aërem, piecerit.
dicens: Galilæe vicisti. i& in eo ipso confessus est cum
blasphemia victoriam.

✠ D. HAYMONIS ✠

EPISCOPI HALBERSTAT-

tensis liber decimus.

THEODERITVS in tripartita historia. Caput .I.



Ost Iulianum Iouinianus ab ex-
ercitu trahitur ad imperij insi-
gnia, qui excusat se sacrilegis nō
posse imperare, quia Christian⁹
esset. nec acquiescit donec accla-
mat exercitus, Et nos Christia-
ni sum⁹. Hic persequit hereticos, & honorat ecclesiā.
Athanasiū requirit, & ab ipso suscipit formā fidei, &
ecclesiæ disponēdæ modū. sed hæc rā læta principia

Orta mors imatura mox corripit. Post hūc Valētinia
 n^o cū fratre Valēte suscipit imperiū, expulsus quonidā
 militia à Iuliano pro fide nostra. & sibi quidem tunc
 Occidentales delegit partes, fratri autem Orientales
 reliquit. Valentinianus ergo in fide & religione Ro- 123
 manam rempublicam administrat, sed Valens fauen-
 do hæreticis, abiit in viam patrum suorum. Orthodo-
 xos quosque persequitur, tormentis excruciat, da-
 mnat exilio, sed hoc post Athanasij obitum. Nam illo
 superstitē, velut diuina quadam virtute prohibetur.

ATHANASIVS Alexandrinus E-
 piscopus, quadragésimo & sexto
 sacerdotii sui anno moritur.

Caput II.

IGitur functo in pace Athanasio post multos ago-
 nes, & Petro in loco eius substituto, quem & ipse
 sciscitatus de successore elegerat. fauore principis
 concitati aduersum nostros Arriani insurgunt vehe-
 mentius. Tunc Lucius Arrianæ pestis episcopus, fuga
 to Petro, supra persecutiones gentilium vastat eccle-
 siam, vastat & heremum, & bellum quiescentibus in-
 dicit. Itaque tria milia & eo amplius viros per totam
 heremum solitaria habitatione dispersos, armata ma-
 nu oppugnare aggreditur. Patrēsque monachorum
 Aegypti Macharium, Isidorum, aliūque Machari-
 um, Heraclidem & Paulum, discipulos Antonii tra-
 didit exilio. Qui vitæ merito insignes & virtutibus ad-
 mirabiles habebantur. Pro breuitate proposita cate-

HAYMO DE CHRISTIA.

Cæcus quidam ad cellam Macharij cum non reperisset eum domi, mœstus primo, sed mox fidei ardore calefscens, Applicate me, inquit, ad illam partem parietis, vbi cubare solet senior, & admotus parumq; lutu aridi, quo paries oblitus erat, palmæ suæ superponens, & de aqua putei, ex quo ipse bibebat, resoluens oculos suos, perunxit, & mox visum recepit. Sed & idem Macharius catulos leonæ cæcos, à matre sibi obiectos, cum pro ijsdem bestia supplicare videretur, liberat à cæcitate, donaturque à bestia pluribus pellibus laniatis pro munere, ore suo enectis, & ante cellam eius depositis. Sed his tantis virtutum mirabilibus non desert Lucius Arrianus, quinimo iubet ipsos prædictos patres clam raptos, in ignitam Aegypti insulam deportari, vbi & multa operantur miracula, & conuertunt incredulos.

Quod expauescens Lucius, veritus populum propter iustos tumultuantem, reuocat eos, & ad heremum remittit. Verum dum hoc Lucius agit in Aegypto, Valens Arrianorum imperator per alia loca, non minus aduersus nostros insaniuit, maxime apud Edissam Mesopotamiæ urbem, Thomæ apostoli reliquijs decoratam, vbi de ecclesia catholicis eiectis, nec in campo permittit habere conuentum. Tunc velut aurum in fornace probatum, in persecutione fulget ecclesia: vnde non in verbis tantum, sed in carceribus & exilijs vinculisque fides approbatur. Interea cum apud Alexandriam nebulosus quidam doctor Lucius obtenebraret populos, velut lampadē quandā diuinæ lucis Didymum dominus accendit,

hic à pueritia luminibus orbarus, nec ideo minus literis se applicans, mirum dictu, in tãtam scripturæ eruditionem diuino peruenit miraculo, vt scholæ ecclesiasticæ illius tēporis maximus doct̃or existeret. Hūc beatus Antonius cum fidei Athanasij testimonium laturus aduersum Arrianos de Thebaide descendisset, magnificis consolatus est verbis. Nihil te, inquit, offendat Didyme, quod carnalibus oculis videris orbarus: desunt tibi oculi, quos mures & muscæ & lacertæ habent: sed lætare, quia habes oculos q̃s angeli habent, quibus deus videtur, per quos tibi magnum scientiæ lumen accenditur.

DE illustribus viris Basilio & Gregorio.

Caput III.

EA tempestate Basilius & Gregorius, Cappadociæ instar duorū celi luminariū refulgent, ambo nobiles, ambo Athenis sufficientissime eruditia: qui remotis deniq; secularium Græcorum libris, monasterium expetunt, soli diuinæ scripturæ attendentes. Basilius contemplationi monasticæ inhæret, contemptu seculi humilior. Gregorius ecclesiasticæ actioni in p̃dicatione liberior. Basilius itaq; Cæsareæ Cappadociæ fit episcopus, qui cum à Valente in exilium cogeretur, & staret ad tribunal, præfecto minitanti fertur eleganter respondisse: Vtinam, inquit, dignum haberem aliquod munus quod ei offerrem, qui Basiliū maturius de nodo huius follis absolueret. Cūque daretur ei spatium deliberandi, Ego (ait) in crastino tempore ero qui hodie, tu te vtinam non mures. Et illa quidē nocte cum vxor imperatoris vehementer

HAYMO DE CHRISTIA:

cruciaretur, & filius eius vnicus diuina exstingueretur
vltione. Rogatur Basilius, & detinetur ad intercessio-
nem, qui paulo ante expellebatur ad pœnam. Itaque
omnibus catholicis expulsis à Valente, solus vsque ad
vitæ exitum intemerato communionis sacramento
in ecclesia perdurat.

GREGORIUS Nazanzenus

Constantinopolin trans-
latus est.

Caput. IIII.

Gregorius apud Nazanzi oppidum in locū pa-
tris episcopi subrogat, famosissimus in doctri-
na & hæreticorum validissimus oppugnator.
Vnde & Constantinopolin ad docendam ecclesiam
transfertur. Per idem tempus sancto Liberio Roma-
no pontifice, Damasus succedit in apostolatum, con-
tra quem Vrsinus schismaticus præsumit Apostolicā
sedem, defendentibus alterutris & bella mouētibus,
adeo vt humano sanguine implerentur orationum
loca. Sed adest assertor innocentie deus Damaso pru-
denti & innocenti viro. Sed apud Mediolanum de-
functo Auxenio episcopo hæreticorum, Ambrosius
vir primo consularis, subito populi clamore episco-
pus eligitur, adhuc tamen catechuminus, sed mox an-
te ordinationem suam baptizatur.

VALENTINIANVS regnat decē
annis.

Caput V.

Interea Valētinianus imperator diē obiit, filiis suis
Gratiano & Valētiniano relinquēs imperiū. sed & fr̃
ei° Gotthis isurgētib° fugiēs è bello flāmis exust° ē.

DE GRATIANO illustri imperatore.

Cap. VI.

125

IGitur Gratianus cū fratre admodū paruulo post Valentem quoq; Oriētis suscipit imperiū. Hic pius fuit ac religiosus, armis strenuus, velox in corpore, ingenio bonus, & plus verecundus, quā reipublicæ intererat. Vnde & ad curā & administrationem rerū Theodosium acuit, virum vtilem & armis maturum, Orientis ei procuratione pmissa. Qui Gratianus postquam multa religiose & fortiter gessit, & à Maximo Britannorum tyranno peremptus est, post se in occiduis partibus relinquit Valētinianum. Cuius interim mater Iustina Arriana persequitur ecclesiam, comminans sacerdotibus exilia, nisi Arrianensia suscipiant decreta. Sed & Ambrosium turrim aduersus hæreticos validissimam multa oppugnatione fatigat, quem & persuaso filioparat exilio condemnare, sed à popūlis incredibiliter amantibus Ambrosium impeditur. Qui Ambrosius aduersus reginam non se manu defendat actelis, sed iciunijs & obsecrationibus indēsinerenter insistit, donec vindice deo, tyranno Maximo perurgente versa in fugam, cum filio exilium sortitur.

DE THEODOSIO pio ac religioso

imperatore.

Cap. VII.

INterea Theodosius beneficiorum Gratiani memor, ad vindictam eius totis viribus Orientis insurgens, sanguinē iustū vlciscit, regnū recuperat, fidē catholicā restituit, quā Iustina violauerat, & inde ad Orientē regressus, sicut ab exordio regni precipitatis

penitus idolis, pulsus hereticis, congregatus catholicis, in fide & religione & munificentia perseuerat. Hic piam constituit legem, ut sententiæ principū super animaduersione prolatae, in diem tricesimum ab executoribus differeretur, quo locus misericordiae vel (si res tulisset) poenitentiae non periret.

Caput VIII.

Sub eodem tempore apud Laodiceam Apollinaris episcopus, vir sane in ceteris instructus, heresim generat, ex contentione asserens solum corpus, non etiam animam à domino in dispensatione susceptum, & pro supplemento illius rationabilis partis, ipsum dei verbum fuisse perhibebat. Hinc descendunt Apollinaristae & haeretici, proprias habentes sectas & dogmata. Tunc conciliū Romae congregatur à Damaso, & Petro Alexandrino, & damnatur Apollinarista, data hac decretali sententia, ut si quis filium dei humanitatis vel deitatis diceret minus aliquid habuisse, ab ecclesia fieret alienus. Sed & Constantino-
poli sub trecentis quinquaginta patribus, synodus celebratur, in qua omnes haeretici condemnantur.

Tunc Martinus Turonicorū Galliae ciuitatis episcopus, multis miraculorum signis effulget. Tunc Hieronymus presbyter in Bethleem, imò toto orbe clarus habetur, de quo non sine magna admiratione suspicio, quare in hac historica narratione à Rufino praetermissus est insigniri, maxime cum ceteros illustres viros & contemporaneos suos nobilitauerit eloquio, qui vel impares ei fuerunt scientia, vel si pares aut superiores, certe omnimodo minus viles ecclesijs.

Fortassis egit hoc Rufinus industria, ut videretur iniuriā illi libello facere, quem idem beatus Hieronymus scribit de viris illustribus, ubi & de seipso facit in ultimis mentionem. Dicitur etiā, quod inimicitias inter se aliquando habuerunt, & (si fas est dici de tam sanctis & prudētibus viris) obliquis se respexisse vultibus, & sermonibus natauēre. Vnde forsitan à beato Hieronymo nunc sermonem historicū obliquauit, siue autem propter hoc, siue propter illud omiserit, nescio, deus scit: vnum scio, quia pratermittendus non erat. Vnde nunc idoneum duxi vicem supplere Rufini, & tantum hunc virum inferere narratiōi, ut quasi quoddā cornu aureo mutilata historia, huius insertionem reformetur. Itaque ea quæ sparsim de eo dictata reperi, suffragantibus eius meritis in vnum colligere breuiter dispono. Sed iam ad historiā reuertamur. Inter ea Theodosius pius imperator cōmunem se præbens sacerdotib⁹ dei, extinctis iam hæreticis, in pace & quiete magna regit ecclesias. Tunc idola penitus destruuntur, templa gentiliū subuertuntur. Tunc apud Alexandriam ingens templum Serapis deiicitur, in quo tam vastum erat ipsius Serapis simulacrū, ut dextera vnū parietem, alterum laua perstringeret. Quod monstrum ex omni genere metallorum signorumq; cōpositum ferebatur. Hoc idolum dicebant statutis diebus salutari à Sole, quoniam arte erat cōpositum, ut per fenestram exigua radius solis directus, os & labia ei⁹ populo inspectāte illustraret. Sed & in eodē templo signum solis ex subtilissimo ferro fabricatū, magnete lapide desuper laquearibus infixō, ipsumq;

trahentibus mouebatur deorsum, & tanquam ad sa-
 lutandum Serapim altius eleuabatur. Sed cum ad
 subuertendum hoc simulacrum nostri insurgerent,
 paululum territi retardantur, gentilibus pro certo as-
 serentibus, quod si humana manus illud tetigisset, ter-
 ra dehiscens ilico solueretur in chaos, cælumq; rueret
 in præceps, tum ecce vnus ex militibus fide concale-
 scens, correptam bipennem maxillæ veteratoris illidit
 nec cælum tamen ruit, nec terra distenditur. Exinde a-
 lijs adiuuantibus, & cædendum, senex veterinosus dis-
 trahitur, & in conspectu clericorum Alexandriae ex-
 uritur. Hic Serapis finis fuit, quem alij Iouem putant,
 alij virtutem Nili fluminis, alij regem Aegypti Apim,
 alij in honorem nostri Ioseph formatum asserunt esse
 simulacrum, ob diuisionem frumenti, qua subuenit
 Aegypto. Sed & in templo Saturni cum simulacrum
 deiicitur, tyranni eiusdem fani sacerdotis fraus com-
 perta est, qui tanquam ex responso numinis, suæ libi-
 dini placentes forminas dicens dignas esse Saturno
 deo, & eius vocatiõe, faciẽsque in templo pernocta-
 re, clausis ianuis, & traditis clauibus, cum videretur dis-
 cedere, per subterraneos aditus simulacrum ingredi-
 ebatur à tergo exesum, & parieti diligenter annexum,
 & mox supplicantem & intentam mulierem, quasi
 voce Saturni aduocabat, sed & aliæ multæ Paganorũ
 fraudes tunc deteguntur. Itaque deiecto apud Alex-
 andriam ipso capite idolo latriæ, reliqua idola concu-
 cantur, & veri dei construuntur ecclesiæ. Interea Valē-
 tianus in occiduis partibus, Itaque vitam finiuit,
 dolo (vt dicitur) ducis sui Arbogasti, post quem Euge-

niustyrannus Italiam occupat. Theodosius inflāma-
 tur ad ultionem, & consulto Iohanne Anachoreta mo-
 nacho, qui prophetico spiritu pollebat, Eugenium ex-
 operat tyrannum, tam armis confisus, quā ieiunijs
 & orationibus. Tunc de inimicis ad Orientem reuertit-
 tur, ibique Arcadium filium Augustum creat, Hono-
 rium quoque factum imperatorem Occiduis parti-
 bus delegat. Ipse vero iam subiugatis hostibus, iam e-
 liminatis idolis, iam sedata ecclesia, post decem & se-
 ptē annos Romani imperij migrat ad dominum, cū
 pijsimis principibus percepturus premia meritorum.
 Hic Rufinus ecclesiasticæ historiæ finem facit, & nos
 quoque finitis persecutionibus, hæresibus consopitis,
 fundata & extructa ecclesia, quia post enumera-
 tionem tantorum martyrum, confessorum,
 doctorum siue patrum, nihil dignius
 restat vel illustrius, hic cum eo sus-
 cepti operis compendium
 terminemus.



INDEX LIBRI

CAPITA LIBRI PRIMI

Primo de tēpore natiuitatis Christi secundū carnē, & de Herode alienigena.	Ca. I.
Qualiter ad Regnū peruenierit Herodes.	Ca. II.
De facinorosis actibus Herodis.	Ca. III.
De crudelitate Herodis in infantes.	Ca. IIII.
Quomodo genealogiā Iudæorū deleuit.	Ca. V.
De vindicta Dei in Herodem.	Ca. VI.
De execrabili nequicia eius in morte perpetrata.	Ca. VII.
Qd tres filios occidit, & seipsum interfecit.	Ca. VIII.
De Archelao filio Herodis.	Ca. IX.
De Herode filio Herodis.	Ca. X.
Cur Iohannē baptistā interfecit.	Ca. XI.
De domino saluatore nostro.	Ca. XII.
Testimoniū Iosephi de Christo	Ca. XIII.
De discipulis Christi.	Ca. XIII.

LIBER II.

De electione Matthiæ apostoli, & septem diaconorum.	Cap. I.
De Iacobo epi. Hierosolymitano primo.	Cap. II.
Quare Iacobus sit frater dñi dictus.	Cap. III.
De Tathæo misso ad Edissam, & de epistolis missis ab Abgaro rege ad Chr̃m, & à Christo ad regem Abgarum.	Ca. IIII.
De facie dñi lineo panno impressa.	Cap. V.
Dispersio discipulorum domini.	Cap. VI.

FINE

Genebrard G., Interpretatio Syn-
li fidei aliarumque precum
Iudaeorum N.º 1 118

Mosej R. Aegyptius Maieroni
filius, 613 praecepta data Ju-
daeis ^{interprete G. Genebrardo} = N.º 2

Haymon, De Christianarum re-
rum memoria libri X. N.º 3
^{de Pasche} Desadveu du livre intitulé:
La piene des ministres, ou l'im-
posture et fausseté du livre est
decouverte N.º 4

...
...
...
...
...

...
...
...
...
...

...
...
...
...
...
...
...
...
...